

YOHANES Ditiki Σεε Nə Yohanes Ləwəni

Onanto Eto Ditiki Nni Nə Ləətə Nkrə.

- 1 Ditiki nəmə akε fε bėyifo kawunsiə.
Ditiki nəmə ku Onanto lεkε.
Nya Ni ku Onanto ni ɔni.
- 2 Ditiki nəmə ku Onanto lεkε taa kasɔ ketsyikoko.
- 3 Eyε lə wəə, nya Onanto dıyifo lesa saa nε.
Bėnyifo kulesa nə wə dımanke lenti.
- 4 Ditiki nəmə əətə nkrə,
nya nkrə bomə ɔflo betidi dınyə diyənde
betsyiko.
- 5 Diyənde nəmə əyənde kakpo lə ketuntu əsuə.
Fεε ketuntu kamə mamfoto diyənde nəmə
bɔninsə.
- 6 Onanto átsyese utidi utsyuə. Wə diye ni
Yohanes. 7 Úbə nkə woedi betidi etiki itsyiko
lə diyənde nəmə əsuə bə lə utsyuə saa wə lenɔ
ditiki nəmə lə ofo ɔnɔ. 8 Inni Yohanes kosate
ni diyənde nəmə. Bomu úbə nkə lə udi etiki
itsyi lə diyənde nəmə əsuə. 9 Nyamfo ni lekpasə
kosate nəmə nε, lekpasə nə nle kawunsiə bubə
nə luuyənde ditə utsyuə saa lekpasə.
- 10 Ditiki nəmə ákε lə kawunsiə, nya wə əsuə
Onanto lεyε úyifo kawunsiə, fεε kawunsiə eto
betidi mənnyə wə bətsyə lekpo. 11 Úbə wə kosate
eto betidi ɔflo, fεε wə betidi mámfo wə. 12 Fεε
bətsyuə ete léfo wə. Nya mba kenke léfo wə
bánɔɔ, útə mə əsuəale nnya dıtə báfiani Onanto

eto bebi. ¹³ Bámfiani Onanto eto bebi eye læ kawunsia eto ditsyæbi æsuæ nye eye læ usæ ku usia eto ubilele eto ketsyue æsuæ. Bomu Onanto kosate lætɔnɔ nkæ woafɔ mæ læ bafiani wæ bebi.

¹⁴ Ditiki nāmæ æbæ léfiani utidinini wæ disia læ bo nti, nya úyi ku Onanto eto lefonæ ku sitinti kenke. Nya búnyæ wæ diyænde kplæ næ eto okle ófo útsyiko wæ anto ɔflɔ fe Onanto eto Ubi ɔni kplo eso.

¹⁵ Yohanes ælækæ wæ óte betidi læ lefe næ óbe letsya. Ófa óteyi nkæ, “Nwæmfɔ ni utidi wæ æsuæ míndi etiki mintsyiko minkæ, ‘Nwæ ntækæ mæ kama ɔnlɛ bubæ, amɔ oso mæ, itsyise okpe koko fe bále mæ.’ ”

¹⁶ Eye læ wæ lefonæ kplæ æsuæ, ókpo bomblɛ kenke atsyɔ kpæ. ¹⁷ Itsyise Onanto ætæ bo kofi komæ eye læ Moses æsuæ. Fæ wæ lefonæ ku sitinti siamæ æbæ bo ɔflɔ eye læ Yesu Kristo æsuæ.

¹⁸ Kuutsyuæ saa mænnyæ tɔ Onanto unyæ. Wæ ubi ɔni kplo wæ lekate ko Onanto wæ nsi læ wæ Anto æmæ eto akɔɔ, wæ ni díbæ úlækæ futsyæ Onanto ni óte bo nɛ.

Yohanes Ælækæ Óte Nkæ Inni Wæ Ni Nwæ Onanto Lékpɔ ɔhile Utsyæ.

¹⁹ Yudafo eto beninæ ba nkpe læ Yerusalem ákpe besumunyæ ku Lewifo bésu Yohanes ɔflɔ. Bátɔ wæ bænkæ, “Owoe ko feni?”

²⁰ Mfóo, Yohanes mánni mbuayɛ butæ bomu ókpasæ mæ nkæ, “Inni mɔ ni Nwæ Onanto Lékpɔ ɔhile Utsyæ.”

²¹ Bátɔ wæ bænkæ, “Nyalɛ owoe feni? Fæ ni Unyelækætidi Elia?”

Útæ mæ mbuayɛ nkæ, “Inni mɔ ni.”

Bésukosə bátɔ wə bənkə, “Nyale, fə ni Unyeləkətidi wə bátɛyi bətsyə bə wuubə?”

Útə mə mbuayɛ nkə, “Owo lo.”

²² Nyaso bátɔ wə bənkə, “Tɛyi bo lesatsyuə nə busu bətɛyi mba lékpe bo kɔtɔ! Owoe feni? Nya be fanlɛ bətɛyi itsyi lə fə əsuə?”

²³ Yohanes ətə mə mbuayɛ fe kase Unyeləkətidi Yesaya ləwɔni utsyə nkə, “Mɔ ni utidi wə nlɛ bofa lə mfiminti kafe eto ɔkɔɛ katɛyi nkə, ‘Betsyonsə Bonamute eto kusu bitsyə itə wə bubə!’ ”

²⁴ Nya betidikpekpe ba ditsyi Yudafo ba baakpo Farisifo ɔflo bəbəə, ²⁵ letɔ Yohanes bə, “Lenni fə ni Nwə Onanto Lékpɔ Ɔhile Utsyə, nye Elia, nye unyeləkətidi əməə, ntsyə ibə fɛ fanlɛ ntuflesəfləsə eto lekpa buyifo?”

²⁶ Yohanes ətə mə mbuayɛ nkə, “Mɔ alɛ, meefi ntu keyifo ntuflesəfləsə eto lekpa nəmfo. Fɛɛ utidi utsyuə nɣyə mi lenti, wə binnyi. ²⁷ Utəkə mɛ kama ɔlɛ bubə nya wə afokpa eto kekue mənɣyə ntə kulaa tsya bə nyankli.”

²⁸ Asa nyamfo əbə lə Betania eto umə lə Yordan eto ketu eto ditukpenkpe nə nse. Mfó Yohanes nlɛ ntuflesəfləsə eto lekpa buyifo kətə betidi nɛ.

Yesu Ni Onanto Eto Lesamubi Nə Boofi Bata Kedi.

²⁹ Kəsiəsəə, Yohanes ənyə Yesu nlɛ wə ɔflo bubə nya ɔtɛyi mba nɣyə wə lə ɔflo nkə, “Nyə Onanto eto Lesamubi nə ntsyi kawunsia eto abua ɔntɔnko. ³⁰ Wə ni utidi wə əsuə mɣntɛyi mɣntsyiko lefe nə mɣndi etiki mɣntɛyi mɣnkə, ‘Utidi utsyuə təkə mɛ kama ɔnlɛ bubə wə lemɔ onso mɛ, itsyise okpe kokooko fɛ bále mɛ.’ ³¹ Mɔ

kosate tsya mánte utidi əmə. Fəe wə bubə eso mímbə minlə ntuflesəfləsə eto lekpa nəmfo buyifo bə lə nləkə wə nte Israel eto kusə eto betidi.”

³² Mfó nya Yohanes disí ótəyi lə wə əsuə nkə, “Nnyə miə Onanto eto Ləwɔnɔ áyifə dítseyi kato dísiə lə wə əsuə fe ləblekpa seka. ³³ Tute mánte miə wə uni. Fəe lefe nə Onanto létsyese mə nkə mbə keyifo ntuflesəfləsə eto lekpa nəməə, ótəyi mə nkə, ‘Ebunyə se mɔ Ləwɔnɔ lɔɔyifə dítseyi kato dibə disíə lə utsyuə əmə əsuə, ete ebote fə wə ni utidi wə luufi Ləwɔnɔ Kenke ukeyifo ntuflesəfləsə eto lekpa nəmə nɛ.’ ³⁴ Nya mínyə se íbə nkomə lə utidi əmfɔ əsuə. Nya minlə mi bótəyi sitinti miə wə ni Onanto eto Ubi kosate əmə nɛ.”

Betidi Tute Ba Dítəkəko Yesu.

³⁵ Kəsiəsəə, Yohanes ku wə bakasebi inuə si bənyə mfó ke, ³⁶ nya únyə Yesu díbə ɔnlɛ bofe. Nya se únyə wəə, ótəyi nkə, “Beebe, nyə Onanto eto Lesamubi nəməə!”

³⁷ Bakasebi inuə bamfo áno nnya Yohanes létəyi nya bédu bésu bətəkəko wə. ³⁸ Se Yesu lətsyi ɔwuninsə únyə nkə bətəkəko wəə, óto mə nkə, “Be biabɛɛ?”

Bətə wə mbuayɛ bənkə, “Rabi,” eto kaso ni Oteasa, “Lekpakpa, se fankpe?”

³⁹ Ótəyi mə nkə, “Bibə bebe.” Lefe nəmfó ebutsyə fe ditsyitsyo eto abombo ana seka.

Nyaso bətəkəko wə bésu kaka onkpe, nya bəsiə wə lə ɔflo diyi fɛfɛ nəmə.

⁴⁰ Bakasebi inuə ba lənɔ Yohanes eto ditiki nəmə fɛ bətətəko Yesuu, eto ɔni ni Andrea wə

ni Simon Petro eto oyimi. ⁴¹ Lesa tute nā Andrea əmə díyifo ni bə úsu óbɛbɛ wə oyimi, ini Simon nya óteyi wə nkə, “Búnyə Mesia əmə,” eto kasɔ ni Kristo wə ni Nwə Onanto Lékpɔ Ɔhile Utsyá.

⁴² Nya ókpa Simon úsuko Yesu oflo.

Yesu ábe wə tūū, nya óteyi wə nkə, “Fə ni Simon, Yohanes eto ubi. Idu mómɔ ɛntɔɔ, bookpɔ fə bə Kefas,” nye Petro eto kasɔ ni kobansə.

Yesu Ákpadi Filipino Ku Nataniel.

⁴³ Kəsiəsiə, Yesu ála nkə weesu kasɔ ka baakpɔ bə Galilea. Nya se ɔnye ɔntɔɔ, únyə utsyuə wə baakpɔ Filipino nya óteyi wə nkə, “Bətəkəko mɛ.”

⁴⁴ Filipino etsyi Betsaida, umə wə Andrea ku Petro tsya ditsyi. ⁴⁵ Se Filipino dísu únyə Nataniel, óteyi wə nkə, “Búunnyə utidi əmə əsuə Moses ku Onanto eto bənyeləkətidi lɛwɔni asa betsyiko bətsyə lə Awɔnisa Kɛnkɛ eto Kukue əsuə! Wə ni Yosef eto ubi Yesu wə ditsyi Nasaret!”

⁴⁶ Nataniel áto nkə, “Lesa sɛɛ ditsyuə ebofo bɔbɔ ketsyi Nasaret kəbəə?”

Filipo áteyi wə nkə, “Bə lə əbə abe!”

⁴⁷ Se Yesu dínyə Nataniel lɛyɛ ɔnlɛ wə oflo bubəə, óteyi itsyi lə wə əsuə nkə, “Nyə Israelnyə tinti nlɛ bubə məə, woanwɛ betidi.”

⁴⁸ Nataniel áto wə nkə, “Ntsyə féyifo fáte utidi wə eto okle mini?”

Yesu ətə mbuayɛ nkə, “Fɛ Filipino díbə ókpadi fə lə lefe nə fakɛ lə koto komə kalɔɔ, mbúnyə fə koko.”

⁴⁹ Nataniel áteyi wə nkə, “Oteasa, eyifo Onanto eto Ubi kosate. Fə ni Israelfɔ eto Oka əmə!”

⁵⁰ Mfó nya Yesu lɛtɔ wə nkə, “Eni nnya mínteyi fə miə nnyə fə lə koto komə kalɔ eso fáfo fánɔɔ? Ebunyə asa nnya nsi nso nyamfo.” ⁵¹ Nya óteyi mə nkə, “Sitinti minlɛ mi bɔteyi minkə, biunyə se kato lɔɔsini nya Onanto eto batɔnkpe nlɛ kato bobɛ kɛsu kayifə kəbə mə, Utidi eto Ūbi, ɔflo.”

2

Bákpa Kusia Lə Kana.

¹ Lə diyi tsyɛfə əsuə, bákpa kusia kutsyuə lə umə wə baakpɔ Kana lə Galilea eto kasɔ. Yesu eto ambe Maria ákɛ mfó. ² Nya bákpadɪ Yesu ku wə bakasebi tsya báboko kusia kakpakɔ kamə. ³ Se nte bo banlɛ bunə léloo, Yesu eto ambe əbə Yesu ɔflo nya óteyi wə nkə, “Nte bo banlɛ bunə álo.”

⁴ Mfó Yesu lɛteyi wə nkə, “Mbe, yanle bə teyi mə lesa nə ele bə nyifo. Mɔ lefe mányo tɔ.”

⁵ Nya Yesu eto ambe lɛteyi besumubi bamə nkə, “Biyifo lesa nə kee wɔteyi mi nkə biyifo.”

⁶ Se ini lekpa ídi itə Yudafɔ bə bəflə mə əsuə esoo, bətsyə ntu eto kalotsyi kplɛ ekua ka bələkə lə abansə əsuə mfó. Nya ketulotsyi enɔ nye ekua leeyi ɔlotsyi kplɛ ɔni. ⁷ Mfó nya Yesu lɛteyi besumubi bamə nkə békuti ntu béyisə kalotsyi kplɛ kamə. Nyaso békuti ntu béyisə kalotsyi kplɛ kamə klɛlɛlɛlɛ.

⁸ Mfó nya óteyi mə nkə, “Bikuti ntu bomə eto ntsyuə bisuko utidi wə nsi lə ketsyue kamə eto kɛnyɛ.” Nya békuti mu bésuko wə.

⁹ Se útu ntu bo léfiani nte óbee, wə ánte kaka nte bomə dítsyi. Fɛɛ besumubi ba díkuti ntu bomə bésuko alɛɛ, məmə áte. Nyaso nwə nsi

lə ketsyue kamə eto kənyε ákpadi okafōse əmə, ¹⁰ nya ótəyi wə nkə, “Utsyuə saa, nte sεε woaka betidi butə bəənə, nya lə betidi ənə bəkpə eto kamaa, nya fε weefi mbo dimanlεkε kətə betidi ləənə nε. Fεε fə ébu nseε ətsyə kama!”

¹¹ Nnya díbə lə Kana lə Galilea eto kaso mfóo, ni ayanisa tute nnya úyifo. Úyifo nyamfo úləkə wə diyənde óte, nya wə bakasebi léfo wə bánə.

¹² Nyamfo eto kamaa, Yesu ku wə ambe, ku wə bayimi, ku wə bakasebi édu bésu Kapernaum nya bəsiə mfó eyi asiani.

Yesu Ála Mba Nlε Bíkə Bote Lə Disumuyo.

¹³ Ukpə Ása Bo Jyila eto didife eboyo elo, nyaso Yesu ésu Yerusalem. ¹⁴ Se údufə Onanto eto Disumuyoo, únyə se betidi nlε banantsyui ku basamu ku ablonuma bote ku mba laafloma atabi tsya nsi lə mə kapunu eto ako. ¹⁵ Nyaso ófio ukuə nya úfi wə óla basamu ku banantsyui kenke óbōsə lə Disumuyo mfó. Úsensə mba nlε atabi boba eto atabi úwui nya úkə mə kapunu ókpo lə kaso. ¹⁶ Jtəyi mba nlε ablonuma bote nkə, “Bitsyi asa nyamfo bəbōnko lə mfo, nya biemfi mō Anto eto diyo biyifo bikəkatekō.”

¹⁷ Nya wə bakasebi lékloma nnya Awōnisa Kenkε eto Kukue letəyi nkə, “Onanto, mō lelabi itə fə Disumuyoo, ətə ənəmi ase mε lə ni əsuə.”

¹⁸ Yudafə eto beninə əbə Yesu oflo nya bátə wə bənkə, “Se féyifo asa nyamfo məə, nte ayanisa nnya fuuyifo ate bo bə akpe kusu feeyifo nnya okle?”

¹⁹ Yesu ətə mə mbuaye nkə, “Beba Onanto eto Disumuyo kamfo, nya mootakasə ke ńyənsə lə diyi tsyəfə əsuə!”

²⁰ Yudafɔ bamə átɔ wə bənkə, “Disumuyo ka befi aləfosi ana alə akua bátoɔ, bətəyi fanlə fə ebusinkli atakasə ke əńyənsə lə eyi ətsyə əsuə?”

²¹ Fɛɛ bántə bə wə sinə əsuə ɔnlɛ etiki budi ketsyiko fe Onanto eto Disumuyo. ²² Nyaso lefe nə Onanto létakasə wə utsyiko ɔkɔməə, nya fɛ wə bakasebi lékloma bə ətəyi nko utsyə. Nyaso báfo asa nnya bəwɔni bakpe lə Awɔnisa Kɛnkɛ eto Kukue ku nnya Yesu lətəyi bəno.

Yesu Yi Asa Itsyi Lə Utidinini Ɔsuə Wuee.

²³ Lefe nə Yesu ləkɛ lə Yerusalem lə Ukpɛ Ása Bo Ɔyila eto diyididi lefee, betidi kpə áfo wə bəno lə ayanisa kpə nnya bənyə úyifo eso. ²⁴ Fɛɛ Yesu mémfi wə əsuə utə mə, itsyise uyi betidi kenke. ²⁵ Yensife bə kuutsyuə saa si ɔtəyi wə kulesa itsyi lə betidi əsuə itsyise wə kosate áte lesa nə ləkɛ lə mə ketu kəmiə.

3

Yesu Áte Nikodemo Asa.

¹ Lefe nəmfóo, Yudafɔ eto uninə ɔni wə baakpo bə Nikodemo akɛ lə mə ditsyukpa nə baakpo Farisifɔ nti. ² Kətsyə kani, úbə Yesu ɔflo nya ətəyi wə nkə, “Oteasa, buyi boə fə ni nwə ditsyi Onanto ɔflo fəbə, itsyise kutsyuə saa embofo ayanisa nnya feeyifo buyifo lenni Onanto nsi ko wə.”

³ Mfó nya Yesu leteyi wə nkə, “Sitinti minlə fə bətəyi minkə, lə bensinkli utidi balee, wəmbunyə Onanto eto Sekadidi siamə.”

⁴ Nikodemo átə wə nkə, “Ntsyə boofə utidi wə díkabe businkli kale bio? Businkli ele bə usinkli udufə lə wə ambe eto kafo fə lə besinkli bale wə dinuəfə lee?”

⁵ Mfó nya Yesu leteyi wə nkə, “Nlə fə bətəyi sitinti minkə, lə bánle utidi betsyiko lə ntu ku Onanto eto Ləwəntə nəmə əsuə, weembofo budufə lə Onanto eto Sekadidi siamə əsuə. ⁶ Utidinini, bále wə eyə lə etidisuə əsuə. Fəə nnya ditsyi lə Onanto eto Ləwəntə əsuə, bále wə lə Ləwəntə əsuə. ⁷ Nyaso məntə lə iyifo fə naa lə ntəyi fə miə ele bə bale fə bio. ⁸ Ufiebī aaso keso kakake ola, nya wə kəso hā faano, fəə inni lə kaka utsyi ku kaka onto. Nko inte itə utsyuə saa wə bále eyə lə Ləwəntə əsuə nē.”

⁹ Mfó nya Nikodemo letə wə nkə, “Ntsyə nyamfo lofo bubə kətə?”

¹⁰ Yesu ətə wə mbuayə nkə, “Oteasa kplə feni lə Israel, ntsyə ibə fámanno nyamfo kaso? ¹¹ Nlə fə bətəyi sitinti miə asa nnya bunyii, nnya əsuə boedi etiki ketsyiko nē. Nya lesa nə ke búkenyəə, ni əsuə boedi adansiə nē. Fəə biamfo bo etiki nyamə kano. ¹² Lə ndi fə etiki itsyi lə kaso mfo eto asa əsuə nya fámamfo mə áno, ntsyə fofo mə bofo kano lə ndi fə etiki itsyi lə kato eto asa əsuə? ¹³ Nya kuutsyuə saa ménsu tə kato unyə enso mə, Utidi Eto Ubi wə ditsyi kato úbə kawunsiə mfo.

¹⁴ “Fə kase Moses lébesə owa wə béfi situ bəyifo kato lə uyi əsuə lə mfimintii, nko ke ele

bə babesə mɔ, Utidi Eto Ubi kato nɛ, ¹⁵ bə utidi wə ke léfo mɛ ónoɔ, lə unyə nkpə manlo.

¹⁶ “Itsyise Onanto ála kawunsiə kamfo kon bənkə úfi wə Ubi ɔni kplo útə nkə utsyuə saa ke laafo wə kanɔɔ, lə ɔyɛ bukpə kanya, bomu lə unyə nkpə manlo. ¹⁷ Itsyise Onanto mántsyese wə Ubi kawunsiə nkə lə ubə olo ke dikpi, bomu bə lə uyifo ke Ofomfokətə.

¹⁸ “Utidi wə ke laafo wə Ubi kanɔɔ, bembolo wə dikpi. Fɛɛ utsyuə saa wə laamfo wə kanɔɔ, bóolo wə dikpi koko itsyise wóamfo Onanto eto Ubi ɔni kplo əmə ɔno eso. ¹⁹ Kase baayɛ kaalo dikpi nəmə ni bənkə, diyənde nəmə əbə kawunsiə, fɛɛ betidi aala ketuntu kaso diyənde nəmə, itsyise baala asa buayifoyifo kaso. ²⁰ Utsyuə saa wə leeyifo asa buaa, weekisi diyənde, nya woannyi kafi ni. Itsyise woate sikpi nkə lə ɔnyi ɔfi diyəndee, yuuləkə wə asa bua nnya weeyifo ote bənyə. ²¹ Fɛɛ utsyuə saa wə nsi nkpə lə kusu sɛɛ əsuəə, aanyi kafi diyənde, itsyise woala nkə diyənde nəmə ləkə lete nkə kase unsi nkpə yɛ lə Onanto eto lelabi əsuə.”

Yohanes Ntufləsətidi Əmə Édi Etiki Lə Yesu Əsuə.

²² Lə nyamfo eto kamaa, Yesu ku wə bakasebi édu bésu Yudea eto lekpa ke mfó. Bəsiə mfó itə lefe ditsyuə, nya úkeyifo betidi ntufləsəfləsə eto lekpa. ²³ Lefe nəməə, Yohanes tsya ákɛ lə Aionon lə Salim ɔflo kəfləsə betidi ntu, itsyise ntu abɔ lə mfó nya betidi ékesu wə ɔflo nya úkəfləsə mə ntu. ²⁴ Lefe nəmfóo, bəmmuə tɔ Yohanes beti bakpe lə aba eto diyo.

²⁵ Diyi lónii, etikinənə ətsyuə édufə lə Yohanes eto bakasebi ku Yudanyə utsyuə eto nti itsyi lə əsuəfləflə eto lekpa əsuə. ²⁶ Nyaso bəbə Yohanes ɔflo bətəyi wə bə, “Oteasa, akloma utidi utsyuə wə fə ku wə dínyə lə Ketu Yordan eto ditukpenkpe nə nse, ini wə əsuə fédi adansie fetsyiko? Wə ni nwə mfe nle betidi ntuflesəfləsə eto lekpa buyifo nɛ, nya betidi ba kenke nle budu kesu wə ɔflo.”

²⁷ Yohanes átəyi mə nkə, “Kuutsyuə saa embofo kulesa bəke, lenni Onanto dífi ni útə wə. ²⁸ Mi kosate ni mə badansie bə ntəyi mi nkpasə wuee miə inni mə ni Nwə Onanto Lékpə Ǿhile Utsyə əmə. Fɛɛ Onanto létsyese mə nkə ntə wə setə. ²⁹ Nwə ni Okafəsee, wə ni nwə mbə Okafə əmə nɛ. Fɛɛ nwə ni Okafəse əmə eto oklobo, lə unyə ɔle Okafəse əmə eto ɔkəe bəɔɔ, yeakpe wə disuəyuə tinti. Nko əmə eso mintsya nle disuəyuə bunyə tinti fe okafəse əmə eto oklobo nɛ. ³⁰ Nya nko ele bə wə diye be kato lə mə lele lə dibə kasə nɛ.

³¹ “Nwə ditsyi kato ubəə, so utsyuə saa. Nya nwə ditsyi kasə mfo tsyaa, kasə mfo eto utidi ete uni. Nya kasə mfo eto asa eto etiki ete weedi. Fɛɛ nwə ditsyi kato úbəə, təkə məmblɛ kato. ³² Waatəyi lesa nə úkənyə ku nnya úkanə mfó. Fɛɛ kuutsyuə saa aamfo wə sedansiedidi siamə. ³³ Fɛɛ nwə ke léfo wə kenye kamə ɔnə, lɛ uyi bəse kətə nkə Onanto eyifo utintinyə. ³⁴ Nwə Onanto létsyese, eedi Onanto eto etiki, itsyise Onanto éfi wə Lɛwəɔnə úyisə wə əsuə kenke. ³⁵ Antə əmə aala wə Ubi əmə nya úfi lesa saa ókpe wə lə ani nɛ.

³⁶ “Nwə léfo Ubi əmə ónɔɔ, kpe nkpə manlo. Nya nwə laani weentsyue Ubi əmə kotoo, weembunyə nkpə manlo bomə. Bomu Onanto eto kotonənə manlo ebutəkə wə lə əsuə.”

4

Yesu Édi Etiki Ku Samariasio Utsyuə.

¹ Farisifo áno bə Yesu lə ntuflesəfləsə eto lekpa nəmə buyifo kətə betidi, nyaso betidi kpə təkəko wə baso Yohanes. ² Lə sitintii, Yesu kosate ményifo ntuflesəfləsə eto lekpa útə kuutsyuə saa, bomu wə bakasebi hã díkeyifo nko. ³ Se Yesu léte nkə Farisifo áno ditiki nəmfo nkoo, údu lə Yudea eto kasɔ úsu Galilea eto kasɔ. ⁴ Nya lə kusu ko ɔnye ɔntɔɔ, ele bə ɔye Samaria eto kasɔ ofe.

⁵ Yesu ésu óyo Samaria eto umə wə baakpo Sikar, wə ləfi kasɔ ka mə ona Yakob díte wə ubi Yosef. ⁶ Letidibo ditsyuə nə Yakob díku ake mfó. Nya se ílə Yesu fə úsu óyo mfó lə nkóminti lefe itsyi lə kusu komə eto bɔye esoo, úkənə úsiə lə letidibo nəmə oflo.

⁷ Nya ete Samariasio utsyuə díbə ntu kekutiko. Nya Yesu ləteyi wə nkə, “Tə mə ntu lə nnə.” ⁸ Lə lefe nə mfó əsuəə, Yesu eto bakasebi ébudu bésu umə didisa kayakɔ.

⁹ Usio əmə átəyi nkə, “Beso fə Yudanyə laato mɔ Samariasio fə ntə fə ntu lə ənə?” Usio əmə átɔ nko itsyise Yudafo ku Samariafo anka.

¹⁰ Yesu ətə wə mbuaye nkə, “Lə nnya ete fenyi lesa nə Onanto ləətə ku nwə nle fə bɔtɔ nkə tə wə ntu lə unəə, eni fə bomu ebɔtɔ wə fə utə fə ntu bo ləətə nkpə.”

11 Usio əmə átə wə nkə, “Boanto, əmbə lesa nə beefi kekuti ntu, nya lətidibo nəmə tsya atsyo. Sie fuunyə ntu bo ləətə nkpə bomə etsyiko?”

12 Lee fə nso bo Ona Yakob wə díku lətidibo nəmfo útə bo, kaka wə ku wə bebi ku wə bebuki kenke dínə ntu betsyiko?”

13 Mfó nya Yesu dítə wə mbuayə nkə, “Lə betidi ənə ntu bomfoo, utukue si wəwəle mə. 14 Fəe ntu bo mə luutə, utukue ensi əmbəle nwə luunə mu. Ntu bo mə luutə wə ebofiani nkpə eto ntu eto kayifəkə lə wə. Ntu bomfo ebukabədi lə wə nya buutə wə nkpə manlo.”

15 Usio əmfo átəyi wə nkə, “Boanto, tə mə ntu bomfo bə lə utukue lə ɔyɛ mə bəle bio, nya lə nyɛ mfo bubə kekuti ntu.”

16 Yesu átəyi wə nkə, “Su akpadi fə usə lə bibə.”

17 Usio əmə átəyi wə nkə, “Minsi kusə.”

Yesu átəyi wə nkə, “Átəyi sitinti fə ensi kusə.

18 Ébusiəko basani ənə áfe. Nya nwə fə ku wə nkpe mómə kulaa tsya enni fə usə. Sitinti fátəyi.”

19 Usio emə átəyi Yesu nkə, “Bonamute, nnyə miə eyifo Onanto eto unyeləkətidi. 20 Bo Samariafə, bo banamə ésumu Onanto lə kətini komfo əsuə. Fəe mi Yudafə aatəyi biənkə Yerusalem ni kaka ele bə busumu Onanto.”

21 Yesu átəyi wə nkə, “Usionko, fə mə anə fə lefe ditsyuə lə bubə nə betidi lensiembusumu Onanto lə kətini komfo əsuə nye lə Yerusalem.

22 Mi Samariafə, binyi lesa nə biesumu. Fəe bo Yudafə, buyi futsyə boesumu. Itsyise Yudafə əsuə nnya bofokətə laayə kəbə. 23 Fəe lefe lə bubə nya díkəbə tsya koko, se betidi luusumu Anto əmə eyɛ lə kusu sɛɛ ku lə ləwəɔ eto

əsuəale ku læ sitinti əsuə. Itsyise mə ni be-sumunyə ba eto okle Onanto laala nkə besumu wə nɛ. ²⁴ Se Onanto ni Lɛwɔnɔ esoo, betidi ba luusumu wəə, ele bə bayɛ læ lɛwɔnɔ nəmə eto əsuəale ku læ sitinti əsuə.”

²⁵ Usio əmə átɛyi wə nkə, “Nyi miə Nwə Onanto Lékpɔ Ɔhile Utsyə, wə baakpɔ Kristoo, ebubə. Nya læ ubəə, wuuləkə lesa saa kasɔ ote bo.”

²⁶ Yesu átɛyi wə nkə, “Mɔ nwə nɛ etiki budi ku fə mfoo, mɔ ni wə nɛ.”

²⁷ Lefe nəmfoo, wə bakasebi bamə əbə bédufə nya íyifo mə naa se bənyə wə ɔnɛ etiki budi ku usio. Fɛɛ mə kuutsyuə saa mántɔ usio əmə bə be woabɛɛ nye báɔ wə bə beso ɔnɛ etiki budi ku usio əmə.

²⁸ Usio əmə áyani wə ɔlɔtsyi əmə útsyə læ lætidibo nəmə ɔflo nya údu úsu umə úsu ótɛyi betidi nkə, ²⁹ “Bibə bebe osani utsyuə wə lætɛyi mɛ lesa saa nə mínkeyifo mínyə læ mɔ nkpə! Lee wə ni Onanto eto nwə Bákɔ Ɔhile Bətsyə əmə?” ³⁰ Nyaso betidi bamə ábɔ bétɛyi umə əmə bésu bə beesu bənyə wə.

³¹ Lefe nəmfoo, bakasebi bamə áɛ Yesu lek-pakpa bátɛyi bənkə, “Oteasa, bedi lesa!”

³² Fɛɛ ótɛyi mə nkə, “Nkpɛ lesa nə muudi nə əsuə binyi kulesa saa bitsyiko.”

³³ Nyaso bakasebi bamə étsyiko mə əsuə bɔɔ bənkə, “Lee utsyuə áboko wə lesa údi?”

³⁴ Yesu átɛyi mə nkə, “Mɔ didisa ni bə nyifo nwə lékpɛ mɛ eto lelabi, nya læ nlosə keyifo ka útə mɛ nkə nyifo. ³⁵ Biatɛyi biənkə, ‘Afa ana sɔɔ kama fɛ lesa loobe oto.’ Fɛɛ nɛ mi bɔtɛyi

minkə beɛ ola bebe kakue eto ditsyəbi lə bebe kase bidikə biamə dɪkabe! Bíoɔy nnya buləkə. ³⁶ Onanto aafɔ kayo nwə ləɛləkə bidikə lə ɔkue nya waakpa mi kakpo lə unwu itə nkpə manlo. Lə nyamfo eso nwə laato ku nwə ləɛləkə, məmblɛ ebunyə disuəɔyue tinti. ³⁷ Nyaso nnya baateyi bə utidi ɔni laato nya obamba ləɛləkə, eyifo sitinti. ³⁸ Mɔ létsyese mi miə bisu biləkə bidikə lə ɔkue wə inni mi léto bikə biamə. Betidi bamba díyifo keyifo kekleke lə kasɔ ketsyikokɔ lə mfó, nya mi dínyə kutəkə lə keyifo ka mə díyifo əsuə.”

Samariafɔ Kpə Áfo Yesu Bánɔ.

³⁹ Samariafɔ kpə lə umə əmə áfo Yesu bánɔ eyɛ lə nnya usio əmə letɛyi nkə, “Ɔteyi mə lesa saa nə mínkeyifo lə mɔ nkpə əsuə mínyə,” eso. ⁴⁰ Nyaso se Samariafɔ bamə díbə bənyə Yesu lə letidibo nəmə oflɔɔ, báɛ wə lekpa bə usiə lə mə oflɔ nya Yesu dísiə mfó eyi ənuə.

⁴¹ Betidi bamba kpə esi báfo wə bánɔ lə wə ditiki nə údi mə eso.

⁴² Nya báteyi usio əmə bənkə, “Bófo bóno mómɔ inni lə nnya fátɛyi bo eso, bomu bo kosate áno etiki nnya údi eso, nya buyi boə wə ni kawunsiə kamfo eto Ofomfokətə tinti əmə.”

⁴³ Lə eyi ənuə eto kamaa, Yesu édu mfó úsu Galilea eto kasɔ. ⁴⁴ Itsyise wə kosate ələkə ɔteyi nkə, “Dibu anke kətə Onanto Eto Unyeləkətidi lə wə kosate eto kasɔ.” ⁴⁵ Fɛɛ se Yesu dísu údufə Galilea, betidi bamə áfo wə atuu ku disuəɔyue, itsyise se bésu Ukpə Ása Bo Ɔyila eto Diyisɛɛ kedikɔ lə Yerusalem, bənyə asa nnya kenke úyifo.

⁴⁶ Lə nnya kamaa, Yesu ésinkli úsu Kana lə Galilea eto kasɔ, kaka úkatsyi ntu ówuninsə bófiyani nte. Lefe nəmfóo, Aba eto unyesia ninə utsyuə wə dítsyi Kapernaum eto ubi áno bufi.

⁴⁷ Se óno nkə Yesu etsyi Yudea úbə Galilea, úsu wə ɔflo nya óle wə lekpakpa nkə úsu Kapernaum lə usu otsya wə ubisaibi utə wə, itsyise wə ubi əmə fe woala lə ukpə.

⁴⁸ Yesu átəyi wə nkə, “Lə biənnə nyifo ayanisa ntee, biamfo mɛ kanɔ.”

⁴⁹ Uninə əmfo ále wə lekpakpa ótəyi nkə, “Bonamute, bə lə əbə abe mɔ ubi əmə bə lə ɔye bukpə.”

⁵⁰ Mfó nya Yesu letəyi wə nkə, “Su! Fə ubi əmə ebokɛ nkpə.”

Uninə əmə áfo etiki nnya Yesu letəyi wə óno nya úsinkli údu. ⁵¹ Se úsinkli ɔntɔɔ, wə diyo eto beyifoyifo betsyuə átsyako wə lə kusu nya bátəyi wə bənkə wə ubi əmə kpe nkpə. ⁵² Ɔto mə lefe nə tutuutu íyuə wə ubi əmə. Nya bətə mbuayɛ bənkə, “Kənə ku kakomi lefe, fe lebombo ləwɛ eti nnya boyila bomə léyani wə nɛ.”

⁵³ Ubi anto əmə ákloma nkə lefe nəmfɔ əsuə tutuutu Yesu letəyi wə nkə, “Fə ubi əmə ebokɛ nkpə.” Nya uninə əmfo ku wə diyo eto betidi kenke léfo Yesu bánɔ.

⁵⁴ Nyamfo díyifo ayanisa nuəfə nnya Yesu díyifo lə Galilea se utsyi Yudea eto kasɔ úsu mfó nɛ.

5

Yesu Átsya Ufimfi Utsyuə Lə Ditumbu Ditsyuə Ɔflo.

¹ Lə nyamfo eto kamaa, Yesu ésu Yerusalem se Yudafɔ eto diyisɛɛ ditsyuə didife léyo. ² Lə umə əmə eto kaka baakpo Basamu eto Kesie ɔfloɔ, ditumbu ditsyuə kpe mfó nə baakpo bə Betesda lə Hebrifo eto sele əsuə. Bákpo mpatampa ɛno beńyənsə lə ditumbu nəmə ɔflo. ³ Mfó befimfi kpə ateate ba ni bənəmba, mba lətsyini, ku mba leba bankpoo kasɔ díbə kakpo. Nya bəńyə bensekə ntu bomə eto butinkəsə butsyuə. ⁴ (Itsyise afe ətsyuəə, Onanto eto ɔtɔnkpe utsyuə kəbə kémunisə ntu bomə. Nya ufimfi tute wə ke dídufə lə ntu bomə əsuəə, ənyə bufitsyantsya.) ⁵ Osani utsyuə kálabə mfó wə díkəfi ale fosi ətsyə ale mflamfla sɔɔ. ⁶ Se Yesu dínyə wə nya unyi nkə onlabe lə ufinkla əsuə mfó itə ale kpəə, ɔtɔ wə nkə, “Ala bə, fə bufi ye fə?”

⁷ Ufimfi əmə ətə mbuaye nkə, “Uninə, mimbə kuutsyuə wə lɔwunsəko mɛ ndufə ntu bomə kafo lə bémunisə mu. Lə nkplatsya miə meedufə tsyaa, utidi bamba éboka mɛ budufə koko.”

⁸ Yesu áteyi wə nkə, “Taka əńyə, fi fə okla lə aye edu!” ⁹ Lamfolamfo, osani əmə eto əsuə əmuə wə ale! Úfi wə okla nya ɔye údu.

Diyi nə nyamfo díbəə, eyifo Yudafɔ eto ɔnwéditsyayi. ¹⁰ Nyaso Yudafɔ eto beninə áteyi osani wə Yesu létsya bufi bənkə, “Mmi eyifo ɔnwéditsyayi. Kofi məntə kusu bə lə etsyi fə okla.”

¹¹ ɔteyi nkə, “Nwə létsya mɛ bufi ke ləteyi mɛ nkə, “Taka əńyə, fi fə okla lə aye edu!” ”

¹² Bátɔ wə bənkə, “Owoe ni utsyə ləteyi fə nkə, “Tsyi fə okla lə aye’?”

¹³ Fεε nwə b́atsya bufi bomə mánte nkə utsyə əmə ni Yesu. Nya Yesu tsya ébonya údufə lə betidi kpə ba dínyə mfó eto nti.

¹⁴ Nyamfo eto kamaa, Yesu ənyə wə lə Onanto eto kedikətəkɔ nya ótɛyi wə nkə, “Bebe! Əsuə búmuə fə ale. Nyaso mensiyifo lebuə bio! Lenni nkoo, lesa nə nkpe ale enso mmə ebuyifo fə!”

¹⁵ Nya osani əmə dídu nya úsu ótɛyi Yudafɔ eto beninə bamə nkə Yesu ni utidi wə létsya wə bufi.

¹⁶ Nyaso bétsyiko Yesu bulə, itsyise ótsya utidi bufi lə Ɔnwéditsyəyi əsuə ¹⁷ Yesu átɛyi mə nkə, “Mɔ Anto si ɔlɛ keyifo buyifo lefe saa, nyaso ele bə mintsya yifo nko.”

¹⁸ Lə nnya ótɛyi mfo esoo, Yudafɔ eto beninə esi b́abɛbɛ esu kekleke bə baalo wə. Itsyise inni Ɔnwéditsyəyi əsuə eto kɔfi ete óta úbu, bomu usi ótɛyi nkə Onanto eyifo wə Anto. Nya nyamfo eto kasɔ ni bə wə ku Onanto akate.

Yesu Eto Əsuəale

¹⁹ Mfó nya Yesu lɛtɛyi mə nkə, “Nlɛ mi b́otɛyi sitinti minkə, Onanto eto Ubi embofo kulesa buyifo lə wə kosate eto əsuəale əsuə. Bomu lesa nə wəənyə wə Anto leeyifoo, ni wintsya leeyifo nɛ.

²⁰ Itsyise Anto əmə aala wə Ubi əmə nya woate wə lesa saa nə wə kosate nlɛ buyifo. Nya woote wə asa kplɛ kpə enso nyamfo nnya luuyifo mible yanii.

²¹ Fɛ kase Anto əmə laatakasə bəkprenkpɛ ketsyiko ɔkɔmə kaboko nkprəə, nko ke Ubi əmə tsya luutə nkprə mba úləkə nɛ. ²² Nya Anto əmə kosate tsya ankponko kuutsyuə lekpo, bomu útə wə Ubi kusu nkə okponko betidi kenke lekpo, ²³ bə lə utsyuə saa lə ufi dibu utə Ubi

əmæ fe kase bəətə Anto əmə dibu. Futsyæ kee dímembu Ubi əməə, mémbu Anto əmə létsyese wə tsya.

²⁴ “Nlɛ mi bətɛyi sitinti minkə, utsyuə saa wə laanɔ mɔ ditiki nya ófo nwə létsyese mɛ ɔnɔɔ, wuunyə nkpə manlo. Bembokpronko wə lekpo, fɛɛ óyɛ lə ukpə əsuə ófɛ údufə lə nkpə əsuə koko. ²⁵ Nlɛ mi bətɛyi sitinti miə, lefe lɛ bubə nə bekpənkpə luutsyue Onanto eto Ubi koto, nya mba leetsyue we ɔkɔɛ koto ebunyə nkpə tinti. Lefe nəmə kulaatsya ébubə koko. ²⁶ Fe kase Anto əmə ni nkpə eto ketsyikokɔ, nko ke útə nkə wə Ubi tsya yifo nkpə eto ketsyikokɔ nɛ. ²⁷ Nya útə wə əsuəale nkə okpronko kawunsia kenke lekpo, itsyise wə ni Utidi Eto Ubi əmə.

²⁸ “Biəntə lə nyamfo lə iyifo mi yanii, itsyise lefe lɛ bubə nə bekpənkpə ba nkpe lə edi lɔɔnɔ Utidi Eto Ubi əmə eto ɔkɔɛ. ²⁹ Nya bɔɔbɔ lə edi bəbə. Mba dísiə nkpə sɛɛ ebotaka bənyə nkpə manlo. Nya mba dísiə nkpə bua, tsya ebotaka bafɔ dikpilolo.

³⁰ “Məmbofo kulesa buyifo lə mɔ əsuəale əsuə. Lesa nə Onanto laatɛyi mɛɛ, nnya meefi kakpo lekpo nɛ. Nyaso mɔ lekpokpronko yɛ lə kusu əsuə, itsyise meenyifo kulesa lə mɔ lelabi əsuə, bomu lə nwə létsyese mə eto lelabi əsuə.”

Yohanes ɛləkə Yesu Kɛnyɛ.

³¹ Yesu esi ɔtɛyi nkə, “Lə nləkə kɛnyɛ lə mɔ kosate əsuəə, yanle bə bafɔ lesa nə míntɛyi əmbə kalende. ³² Fɛɛ utidi bamba kpe wə leedi adansie lə mɛ əsuə, nya nyi miə adansie nnya ɔnlɛ budi lə mɛɛ, kpe kalende.

³³ “Bíokpe batónkpe Yohanes óflo nya úkatéyi mi sitinti siamə itsyi læ mə əsuə. ³⁴ Fɛɛ mɔɔ, minlə bɔtəyi miə utidinini eto sedansiedidi læ mə əsuə afe itə mə. Bomu ntəyi nyamfo bæ læ binyə bofokətə. ³⁵ Yohanes ətsyə fe okandɛ wə nɛ bunyə nya ɔnlɛ lekpasə butə, nya béla biə biənyə disuəyuə læ wə lekpasə nəmə əsuə itə lefe sɛkɛ ete.

³⁶ “Fɛ mɔɔ, sedansɛ sia læflo senso Yohanes eto selee, se nkpe mə nɛ. Itsyise keyifo ka mɔ Anto dítə mə nkə nyifo nlose, ka minlə buyifoo, ke nɛ adansɛ budi læ məɛ nɛ. Ke nɛ bote bæ mɔ Anto əmə létsyese mə. ³⁷ Nya Anto wə létsyese mə tsyaa, wə kosate leedi adansiə læ mə əsuə. Bíanno tɔ wə ɔkɔɛ bɛnɔ, nya bíənyə tɔ kase unte bínyə. ³⁸ Fɛɛ biamfo wə ditiki nəmə kakpe læ mi akɔəsi itsyise biamfo utidi wə ótsyese bɛnɔ. ³⁹ Biakase Awɔnisa Kɛnkɛ eto Kukue eto asa itsyise bibu biə biunyə nkpə manlo læ nnya əsuə. Nya ko etiki nyamfoo, ɛ etiki budi ketsyi læ mə əsuə! ⁴⁰ Fɛɛ bɛni biə biembubə mə óflo læ binyə nkpə.

⁴¹ “Minlə kasɔ mfo eto betidi eto atesə bɔbɛbɛ, ⁴² itsyise nyi betidi ba eto okle bini, nya nyi miə bianla Onanto læ mi akɔəsi. ⁴³ Mbə læ mɔ Anto eto diye əsuə, fɛɛ biamfo mə. Nya læ utidi bamba ebubə læ wə kosate eto diye əsuə alɛɛ, biofo wə. ⁴⁴ Ntsyə yuubə fɛ biofo mə bɛnɔ læ lefe nə eto lefe bɛnlɛ atesə bɔbɛbɛ ketsyiko mi bətsyuə óflo, nya biambɛbɛ atesə nnya ditsyi Onanto ɔni kplo əmə óflo?

⁴⁵ “Fɛɛ biembu biə mɔ ni nwə loolo mi dikpi læ mɔ Anto óflo. Bomu Moses, nwə əsuə bífi mi kusubebe bítəkə, wə ni futsyə loolo mi dikpi nɛ.

⁴⁶ Lə nnya ete béfo Moses beno sitintii, eni béfo me beno, itsyise ówoni asa utsyè itsyi læ me əsuə. ⁴⁷ Fəe se bíamfo lesa nə ówoni utsyè beno, ntsyè yuubə fə biofo lesa nə maateyi beno?"

6

Yesu Ɔtə Betidi Akpi Anɔ Lesa Bédi.

¹ Nyamfo eto kamaa, Yesu áyila Galilea eto Ditumbukplɛ nə bensi baakpo bə Tiberia eto Ditumbukplɛ úsu ni lekpa ke nə nse. ² Nya betidi kpə dítkəko wə, itsyise bənyə ayanisa nnya úyifo ótsya mba nle bufi eso. ³ Yesu ku wə bakasebi ábe bésu bəsiə læ lekpenkpe ditsyuə əsuə. ⁴ Lefe nə Yudafo leedi Ukpe Ása Bo Ɔyila eto Diyi éboyo elo.

⁵ Se Yesu létakasə ənəmi únyə sitiditu kplɛ sia nle wə oflo bubəə, óto Filipino nkə, "Sieti buunyə didisa boya butə betidi bamfo kenke læ bedi?"

⁶ Fəe Yesu átə nyamfo nkə læ ufi oto Filipino obe, ite bə uyi lesa nə wə kosate læəbə buyifo tsya fə.

⁷ Filipino ətə wə mbuayɛ nkə, "Lə bufi betidi alofa ənuə eto diyi eto kayofofɔ eto atabi boya didisa kulaa tsyaa, diembɔyo bə betidi bamfo eto utsyuə saa nyə sɛkɛ udi!"

⁸ Mfó nya Yesu eto okasebi wə ni Simon Petro, eto ɔyimi wə baakpo Andrea, létɛyi wə nkə, ⁹ "Okosobi utsyuə si mfo wə ntsyi abolo anɔ ku akpɛ ənuə. Fəe bə ni nyamfo itə betidi ba kpenkpe mfo?"

¹⁰ Yesu átɛyi mə nkə, "Bitə læ betidi bamə læ bəsiə læ kasɔ læ kaka lékpa wuee." Nyaso betidi bamə kenke əsiə læ kasɔ. Basani mate eyifo fe

akpi anɔ. ¹¹ Nya Yesu dífi abolo nyamə, nya óso Onanto ani nya úsie nnya útə betidi bamə nsi mfó. Nko ke úyifo ku akpɛ nyamə tsya nɛ, nya mə utsyuə saa lɛkɛ kase óla.

¹² Se bédi bémii, Yesu átɛyi wə bakasebi bamə nkə, “Bɛsɛ nnya díbu, bə lə ku ni ditsyuə saa lə lɛyɛ bobia.” ¹³ Nyaso báɛ nnya díbu bakɔ. Nya nnya díbu lə abolo anɔ nnya bédi əsuə, éyi lefosi etsyitsya ənuə.

¹⁴ Se betidi bamə dínyə ayanisa nnya Yesu díyifoo, bátɛyi bənkə, “Sitinti nwə mfo ni Onanto eto Unyeləkətidi wə luubə kawunsia nɛ!”

¹⁵ Nya, Yesu áte nkə bəəbə wə bubə kəmuə lə əsuəale əsuə kətsyə seka. Itə eso úləkə əsuə lə mə nti úsu ɔkɛ lə akpenkpe nnya nkpe mfó nti wə mate.

Yesu Áyɛ Lə Ntu Ɔsuə.

¹⁶ Se ditsyitsyo lefe léyoo, Yesu eto bakasebi áyifə bésu ditumbukplɛ nɛmə kɛnyɛ. ¹⁷ Bédufə lə ɔklɔ utsyuə əsuə nya bétisyiko ditumbukplɛ nɛmə bɔyila kesu Kapernaum eti. Kale ébolo, tsya fɛɛ Yesu məmbə óyotɔ mə ɔflo.

¹⁸ Ditumbukplɛ nɛmə eto ntu étsyiko bonwa ketu flɛmflɛmflɛ, itsyise ufiebi étsyiko bɔsɔ kekleke.

¹⁹ Bakasebi bamə ébonwa ɔklɔ əmə báyɛ fe esunkpo ətsyə nye ana ku kama fe bənyə se Yesu nye lə ntu bomə əsuə ɔnlɛ ɔklɔ əmə ɔflo bubə. Se bənyə wəə, sikpi ko dímuə mə! ²⁰ Nya Yesu lɛtɛyi, mə nkə, “Biante sikpi! Mɔ uni.” ²¹ Mfó fɛ əsuə diyuə mə nɛ! Nya bətə údufə lə ɔklɔ əmə nya ete bédufə kaka bántɔ tsya nɛ.

²² Se kale dísià, betidi ba díbu bànyà lə ditumbukplɛ nəmà eto situma sia nsee, ànyà bàtsyà lekpo bà diyi nà léfee, ɔklo ɔni hã dínyà lə utuflo mfó. Báte bà Yesu méndufə lə ɔklo əmə əsuə ku wə bakasebi fɛ bətsyiko ditumbukplɛ nəmà bɔyila. Bakasebi bamə mate ete dídufə lə ɔklo əmə kafo. ²³ Nya efue bamba nnya ditsyi Tiberia eto umə əbə ídufə kaka dímantasyonko kaka bédi abolo, se Bonamute lékasɔ Onanto ani ólosə eto kama. ²⁴ Se sitiditu nəmà dínyà nkə Yesu nye wə bakasebi manke mfó esoo, bédufə lə efue nyamə nya bédu bésu Kapernaum bésu banlɛ Yesu bəbɛbɛ.

Yesu Ni Didisa Nə Ləatə Nkpə.

²⁵ Se betidi bamə dínyà Yesu lə ditumbukplɛ eto lekpace nà nsee, bátɔ wə bənkə, “Oteasa, dimamfe fəbə mfo?”

²⁶ Yesu ətə mə mbuayɛ nkə, “Nlɛ mi bətsyi sitinti minkə, inni ayanisa nnya bínyà mínyifo bɛnɔ kasɔ eso bɛnlɛ mɛ bəbɛbɛ, bomu lə didisa nə bɛkɛ bídi bími eso. ²⁷ Biankplatsya itə didisa nə laabia, bomu bekplatsya itə didisa nə lambia, nə luutsyà itə nkpə manlo. Didisa nəmfoo, ni ni nə Utidi Eto Ubi luutə mi nɛ, itsyise Anto Onanto ébutəkə wə kɔni utsyà.”

²⁸ Mfó nya betidi bamə létɔ Yesu bənkə, “Be ele bà buyifo lə ete bà bələ Onanto eto keyifo buyifo?”

²⁹ Yesu ətə mə mbuayɛ nkə, “Lesa nə Onanto lela nkə biyifo ni bà befo utidi wə ótsyese bɛnɔ.”

³⁰ Bátɔ wə bənkə, “Nte ayanisa nnya fuuyifo ate bo, bà lə bofo fə bɔnɔ? Be fuuyifo? ³¹ Bo banamə édi didisa nə baakpo mana lə mfiminti

fe kase báwɔni bətsyə lə Awɔnisa Kenke eto Kukue əsuə bənkə, ‘Útə mə didisa nə dítysi kato nkə bedi.’ ”

³² Mfó nya Yesu ləteyi mə nkə, “Nlɛ mi bəteyi sitinti minkə inni Moses ni nwə dítə mi didisa nə dítysi kato. Bomu mə Anto ni nwə ləətə mi didisa tinti nə ditsyi kato. ³³ Itsyise Onanto eto didisa ni nwə ditsyi kato úbə. Wə ni nwə ləətə nkpə kawunsia nɛ.”

³⁴ Bətəyi wə bənkə, “Bonamute, tə bo didisa nəmfɔ lefe saa.”

³⁵ Mfó Yesu ləteyi mə nkə, “Mə ni didisa nə ləətə nkpə nɛ. Fəə ke díbə mə ɔflɔ, kukpense əmbɔlɛ fə kulefe, nya nwə léfɔ mɛ ɔnɔɔ, utukue əmbɔlɛ wə kulefe kulefe. ³⁶ Fɛɛ nteyi mi minkə ite bə bíunyə mɛ tsyaa, bíamfo mɛ bɛnɔ. ³⁷ Utsyuə saa ke mə Anto əmə dífi útə mɛɛ, ebubə mɛ ɔflɔ, nya nwə díbə mɛ ɔflɔ, məmbɔni wə kulefe. ³⁸ Itsyise ntsyi kato mbə inni bə lə nyifo lə mə lelabi əsuə, bomu mbə miə lə nyifo lə nwə létsyese mɛ eto lele əsuə. ³⁹ Nya utidi wə létsyese mɛ eto lelabi ni nkə mba kenke úfi útə mɛ eto kutsyuə mannya, bomu bə lə ntakasə mə nnyənsə lə diyi fɛfɛ əsuə lə məmble kenke lə bənyə nkpə manlo. ⁴⁰ Itsyise mə Anto eto lelabi ni nkə, utsyuə saa wə dínnyə mə Onanto eto Ubi nya ófo mɛ ɔnɔɔ, lə unyə nkpə manlo, nya mootakasə wə nnyənsə lə diyi fɛfɛ əsuə.”

⁴¹ Mfó nya Yudafo bamə dítysiiko bɔwɔnɔnɔ lə wə əsuə itsyise ɔteyi nkə, “Mə ni didisa nə ditsyi kato díbə” eso. ⁴² Nyaso bátɔ mə əsuə bənkə, “Inni Yesu əmfɔ wə ni Yosef eto Ubi lee? Buyi

wə anto ku ambe. Ntsyə ibə fε woateyi nkə, utsyi kato úbə?”

⁴³ Yesu áteyi mə nkə, “Beyε kənə lə mi nti. ⁴⁴ Kuutsyuə embofo mε ɔflo bubə lenni mə Anto əmə lékpa wə óboko mə ɔflo. Nya mootakasə wə mboko nkpə lə diyi fεfε əsuə. ⁴⁵ Onanto eto bənyeləkətidi áwɔni bənkə, ‘Onanto ebote məmble kenke asa.’ Nyaso utsyuə saa wə leetsyue ato nya woakase asa ketsyi lə Anto əmə ɔflo, əəbə mə ɔflo. ⁴⁶ Nyamfo mante bə utsyuə ébunyə Anto əmə unyə enso nwə ditsyi Onanto əmə ɔflo hā díkənyə wə unyə. ⁴⁷ Nlε mi bətəyi sitinti minkə nwə lefo ɔnɔɔ, nkpə manlo kpe wə. ⁴⁸ Mɔ ni dídisa nə ləətə nkpə. ⁴⁹ Mi banamə édi lesa nə baakpo mana lə mfiminti, fεε bekpə. ⁵⁰ Fεε didisa nə ditsyi kato díbəə, eyifo didisa nə utsyuə saa ke leedi nii, embukpə. ⁵¹ Mɔ ni didisa nə ləətə nkpə, nə ditsyi kato díbə. Utsyuə saa wə leedi lesa nəmfoo, wuusie nkpə lefe saa. Nya didisa nə muufi ntə kawunsie eto betidi bə lə bənyə nkpəə, eyifo mə əsuə eto sinə sia muumfi ntə.”

⁵² Nyamfo áboko kənə kekleke lə Yudafo bamə nti nya báto bə, “Ntsyə utidi əmfo lofo wə əsuə eto sinə bufi kətə bo nkə budi?”

⁵³ Mfó nya Yesu létəyi mə nkə, “Nlε mi bətəyi sitinti minkə, lə biendi mə Utidi Eto Ubi eto əsuə eto sinə, binə mə kɔtɔɔ, biembunyə nkpə lə mi əsuə. ⁵⁴ Utsyuə saa ke leedi mə əsuə eto sinə nya wəənə mə kɔtɔɔ, ebunyə nkpə manlo, nya mootakasə wə mboko nkpə, lə diyi fεfε əsuə. ⁵⁵ Itsyise mə əsuə eto sinə ni didisa tinti nya mə kɔtɔ ni ənəsa tinti. ⁵⁶ Utsyuə saa ke leedi mə əsuə

eto sinə nya wəənə mɔ kɔtɔɔ, okpe lə mɛ, nya mintsya nsi nkpə lə wə. ⁵⁷ Fe kase Anto wə nsi nkpə lə mɛ nya minsi nkpə lə wəə, nko ke utidi wə leedi mɔ əsuə eto sinəə, luusiə nkpə eyɛ lə mɛ eso nɛ. ⁵⁸ Nyamfo ni didisa nə ditsyi kato díbə. Dinte fe didisa nə eto okle mi banamə dídi nya bəkpə. Utsyuə saa kee leedi didisa nə maatɛyi mfoo, ebusiə nkpə itə lefe nəmə kenke.” ⁵⁹ Asa nyamfo Yesu léte mə lə Yudafɔ eto katsyakɔ lə Kapernaum nɛ.

Nkpə Manlo Eto Etiki

⁶⁰ Se Yesu eto bakasebi kpə lɛnɔ etiki nyamfoo, bátɛyi bənkə, “Ditiki nəmfo eto kasɔnɔnɔ kpe ale tinti! Owɔe lofo ni bofo?”

⁶¹ Ite bə mə kuutsyuə mémfe kenye ótɛyi kulesa tsyaa, Yesu áte nkə íkələ mə lə akɔəsi nya ótɔ mə nkə, “Nyamfo ələ mi? ⁶² Nyalɛ, lə ibə bə binyə Utidi eto Ubi əmə ɔntɔ kato kaka usiə kɔɔ, ntsyə biuyifo? ⁶³ Onanto eto Lɛwɔnɔ Kenke ləətə nkpə. Utidi eto əsuə eto sinə əmbə kutəkə saa. Etiki nnya kenke míntɛyi eyifo Onanto eto Lɛwɔnɔ eto etiki nnya ləətə nkpə. ⁶⁴ Fɛɛ bətsyuə kpe lə mi nti ba dímamfo b́ánɔ.” Yesu áte taa kasɔ ketsyikokɔ mba dímamfo wə b́ánɔ ku nwə luufi wə okpe kɔni. ⁶⁵ Ɔtɛyi úsukosə nkə, “Nyamfo eso míntɛyi mi miə kuutsyuə saa embofo mɛ ɔflɔ bubə lenni Anto əmə díte wə kusu.”

⁶⁶ Lə nyamfo eto kamaa, mba dítekəkə wə kpə ésinkli lə wə kama nya bəkətəkəkə wə kama bio.

⁶⁷ Mfó nya Yesu létɔ wə bakasebi lefosi inuə bamə nkə, “Mi tsyaa, biusinkli mɛ kama?”

68 Simon Petro ətə wə mbuayε nkə, “Bona-mute, owoe ɔflo buudu busu? Fə nkpe nkpe manlo eto etiki nyamə! 69 Nya mɔmɔɔ, bófo bóno nya bunyi boə fə ni Onanto eto Ubi, wə ni Ɔkenkenyə əmə.”

70 Mfó nya Yesu díta mbuayε nkə, “Mɔ ni nwə díləkə mi lefosi inuə bamə tsyaa, ɔni eyifo oboatidi lə mi nti!” 71 Yesu áteyi nyamfo itsyi lə Yuda wə ni Simon Iskariot eto ubi əsuə. Itsyise uyifo bakasebi lefosi inuə bamə eto ɔni wə luufi wə okpe kɔni.

7

Yesu Ésu Yudafɔ Eto Mpatampa Kalɔsiəsiə Eto Diyisεε Kedikɔ.

1 Lə nyamfo eto kamaa, Yesu ésu óye lə Galilea eto kasɔ, nya wánla nkə weesu Yudea eto kasɔ itsyise Yudafɔ akabεβε kusu lə balo wə eso.

2 Lefe nəmfoo, Yudafɔ eto Mpatampa Kalɔsiəsiə eto Diyisεε nəmə éboyo. 3 Nyaso Yesu eto bayimisani áteyi wə nkə, “Du mfo lə esu Yudea eto kasɔ lə fə bakasebi lə bənyə asa nnya fanle buyifo. 4 Itsyise utidi wə laala nkə bate wəə, enyifo asa kakula. Se fanle asa nyamfo buyifoo, ləkə nnya ate kawunsiə kenke lə betidi lə bate fə!” 5 Báteyi wə nko itsyise wə bayimisani kulaa tsya mámfo wə bánɔ.

6 Yesu áteyi mə nkə, “Mɔ lefe mányo tɔ. Fεε mii, lefe saa alekε itə mi. 7 Kawunsiə embofo mi bukisi. Fεε mɔɔ, keekisi mε itsyise nle buləkə kate minkə ke asayifoyifo eyi ku abuayifoyifo. 8 Mii, bisu diyisεε nəmə kedikɔ. Mɔɔ, membusu

diyi nāmə kedikɔ itsyise mɔ lefe mányo tɔ.” ⁹ Se óteyi mə nyamfoo, ótsyime ɔke læ Galilea mfó.

¹⁰ Fɛɛ se wə bayimisani bamə dídu bésu diyi nāmə kedikɔ eto kamaa, Yesu tsya ésu mfó, fɛɛ wənləkə wə əsuə ote, ókula əsuə. ¹¹ Yudafɔ eto beninə ákabɛɛ wə læ diyisɛɛ nāmə kedikɔ ákatɔ bə, “Sieti osani əmə nkpe?”

¹² Betidi kpə læ sitiditu nāmə nti ékedi etiki kawɛkawɛ læ Yesu əsuə katɛyi bənkə, “Uyifo utidi sɛɛ.”

Nya bətsyuə tsya díkatɛyi bənkə, “Owo lo! Ɔle betidi bɔwɛ kakpe kanyansə!” ¹³ Fɛɛ se banlə Yudafɔ sikpi bote esoo, kuutsyuə māmfo nnya buləkə katɛyi læ betidi læ banɔ.

Yesu Áte Asa Lə Diyi Nāmə Kedikɔ.

¹⁴ Se diyisɛɛ nāmə didi eto eyi leyo ni ntinti etii, Yesu ésu Yudafɔ eto Disumuyo nya úsu óte asa mfó. ¹⁵ Wə asatete nyamə éyifo Yudafɔ bamə yanii, nya báteyi bənkə, “Sieti okosobi əmfo ditsyi ku kobe komfo eto okle, se wénsu asa kakasekɔ læ kukalebe saa?”

¹⁶ Mfó Yesu díte mbuayɛ óteyi mə nkə, “Mɔ asatete méntsyi mɔ kosate ɔflo. Bomu itsyi Onanto wə létsyese mɛ ɔflo. ¹⁷ Utidi wə laala nkə weeyifo Onanto eto lelabii, ebote læ asa nnya maate etsyi Onanto ɔflo lee, mɔ kosate eto əsuəale əsuə maate nnya. ¹⁸ Utidi wə leedi etiki itsyi læ wə əsuəale əsuəə, wə əsuə eto atesə waabɛɛ. Fɛ, utidi wə laala nkə waatesə nwə létsyese wəə, weeyifo asa kayenko læ sitinti əsuə nya waanteyi sidia. ¹⁹ Inni Moses ni nwə díte

mi kɔfi komə lee? Fɛɛ mi kuutsyuə entsyue kɔfi komə koto. Beso bela biə bialo mɛ?”

²⁰ Mfó sitiditu siamə dí-tə wə mbuayɛ bənkə, “Lɛwɔnɔ bua təkəko fə! Owɔe nɛ bola nkə waalo fə?”

²¹ Yesu ətə mə mbuayɛ nkə, “Ayanisa ani nyamfo mínyifo nya íyifo mimblɛ tǎ yanii mmə.

²² Moses ətə mi kɔfi nkə bela mi bebisaibi eto alo. Ite bə inni Moses uni dítsyiko nko, bomu itsyi taa mi bana lefe. Nyaso biala osaibi lelo lə Ɔnwɛditsyayi nɛ. ²³ Nya lə boofɔ osaibi lelo bola lə Ɔnwɛditsyayi əsuə lə kase yembonta Moses eto kɔfi ibuu, beso biənyə ɔblɔ kakpe mɛ biə ntsya utidi wə nɛ bɔfi, úmuə ale kenke lə Ɔnwɛditsyayi əsuə? ²⁴ Biemfi ənyansa bekpɔ lekpo! Bomu bekpɔ etiki eto lekpo ɛyɛ lə sitintisu əsuə.”

Betidi Áto Báló Lə Yesu Ni Utidi Wə Bákpo Ɔhile Bətsyə Əmə.

²⁵ Betidi bətsyuə ba dítsyi Yerusalem áto bə, “Inni utidi əmfo banɛ bɔbɛbɛ bə baalo? ²⁶ Bebe wə! Ɔɛ etiki budi lə obianti, nya bánteyi wə kulesa! Lee, bote bákate sitinti biənkə wə ni Nwə Onanto Lékpo Ɔhile Utsyə əmə? ²⁷ Lə Nwə Onanto Lékpo Ɔhile Utsyə əmə əbəə, kuutsyuə saa embote kaka utsyi úbə. Fɛɛ utidi əmfo alɛɛ, bomblɛ yi kaka utsyi úbə.”

²⁸ Lefe nə Yesu díkate asa lə Disumuyo mfóo, ófa bembembe óto nkə, “Inni biənkə biyi mɛ sitinti ku kaka mintsyii? Məmbə mfo lə mə əsuəale əsuə! Nwə létsyese mɛɛ, waanteyi sidia. Nya mii, binyi wə. ²⁹ Fɛɛ məo, nyi wə, itsyise intsyi wə ɔflɔ nya wə ni nwə létsyese mɛ.”

³⁰ Nya bákplatsya bæ bəmuə wə. Fεε mə kuutsyuə saa mámfo wə butidi, itsyise wə lefe mányo tɔ. ³¹ Fεε kpə læ mə nti áfo wə bánɔ nyaso bátɔ bənkə, “Nya læ Nwə Onanto Lékpɔ Ɔhile Utsyə díbəə, uteyifo ayanisa ote enso nnya utidi əmfo díkeyifoo?”

Batsyese Mba Laase Disumuyo Bə Bəmuə Yesu.

³² Farisifo bamə áɔ se sitiditu siamə nle etiki nyamfo bɔtɛyi læ kawε læ mə nti læ Yesu əsuə, nyaso mə ku besumunyə ninə átsya nya batsyese kedikətəkɔ eto mba laase mfo bæ besu bəmuə Yesu baboko.

³³ Yesu átɛyi mə nkə, “Nsi mɔɔkε mi lenti itə lefe kliminti ditsyuə ete muusinkli nsu nwə letsyese mε oflɔ. ³⁴ Biɔbɛbε mε, fεε biembunyə mε, itsyise kaka mɔɔkεε, biəmbofo mfó bubə.”

³⁵ Ete Yudafɔ eto beninə létɔ mə əsuə bənkə, “Sieti nwə mfo laala nkə weesu fε boembunyə wə? Lee, bubu ɔnlɛ nkə weedu usu Helafɔ eto kəmə ka bo betidi nkpe bæ læ ote Helafɔ bamə asa mfóo? ³⁶ Nnya ɔnlɛ bɔtɛyi nkə, ‘Biɔbɛbε mε, fεε biembunyə mε,’ nya ‘Kaka mɔɔkεε, biəmbofo mfó bubəə,’ eto kasɔ ni be?”

³⁷ Lə diyi fεfε nə ni diyi nə nso bofe læ diyididi nəmə əsuəə, Yesu átaka únyə nya óbesə ɔkɔε kato ɔtɛyi nkə, “Lə utukue læ utsyuəə, utsyə əmə bæ mɔ oflɔ læ ubə unə ntu. ³⁸ Fe kase háwɔni bákpe læ Awɔnisa Kεnkε eto Kukue əsuə hátɛyi bənkə, ‘Utidi wə léfo mε ɔnɔɔ, ketukplo ka lætə ntu bo lætə utidi læsiə nkpe eto ntuu, ebɔbɔdi butsyi læ wə utu kəmiə.’ ” ³⁹ Yesu átɛyi nyamfo itsyi læ Lɛwɔnɔ nə mba léfo wə bánɔ lofo əsuə. Itsyise éyo lefe nəmfoo, bəntə tɔ Lɛwɔnɔ nəmə,

se bántakasə tɔ Yesu betsyiko ɔkɔmə báboko wə diyənde esuə eso.

⁴⁰ Se betidi bamə lenɔ etiki nyamfoo, bátɛyi benkə, “Sitintii, utidi əmfo eyifo Onanto eto Unyeləkətidi əmə.”

⁴¹ Babamba tsya átɛyi bənkə, “Nwə mfo ni Nwə Onanto Lékpɔ Ɔhile Utsyə nɛ.”

Fɛɛ mə bətsyuə átɔ bənkə, “Nwə Onanto Lékpɔ Ɔhile Utsyə, ebofo Galilea butsyi?

⁴² Awɔnisa Kɛnkɛ eto Kukue átɛyi nkə Nwə Onanto Lékpɔ Ɔhile Utsyə ebutsyi Oka David eto kafo lə Betlehem eto umə kaka Oka David dísɛ.”

⁴³ Lə nnya eso kabakəfə édufə lə betidi bamə eto nti itsyi lə Yesu eso. ⁴⁴ Bətsyuə ala bə bəmmuə wə, fɛɛ kuutsyuə saa méntidi wə.

YudaƆ Eto Beninə Mámfo Yesu Banɔ.

⁴⁵ Se mbalaase Disumuyo eto mba bákpe dísinkli besuu, Farisifo ku besumunyə ninə bamə ɔflo, bátɔ mə bənkə, “Beso bíəmmuə wə lə əsuəale beboko?”

⁴⁶ Mfó nya bətə mbuayɛ bənkə, “Boannɔ tɔ kuutsyuə saa di etiki fe kase utidi əmfo didi kulefe!”

⁴⁷ Farisifo bamə átɔ mə bənkə, “Nyale úflu mi tsyaa, mi nsusu, ɔwɛ mi ókpe? ⁴⁸ Bíɔnɔ tɔ bɛnɔ biə beninə bətsyuə nye Farisinyə utsyuə áfɔ wə ɔnɔ? ⁴⁹ Kulefe, kulefe! Ditiditu nəmfo enyi Moses eto kɔfi eto kulesa. Nyaso Onanto eto ekudi təkəko mə!”

⁵⁰ Farisifo eto uninə ɔni wə baakpo Nikodemo, ébusu Yesu ɔflo únyə. Ɔtɔ mə nkə, ⁵¹ “Nyale, bo kɔfi ətə bo kusu nkə bokpronko utidi lekpo bolo

wə dikpi lefe nə eto lefe boanno tɔ wə kenye eto etiki nye bato wə lesa nə úyifo?”

⁵² Bətə mbuayɛ bátɔ wə bənkə, “Nyale, fintsya Galileanyə feni? Dufə lə Anantotiki eto Ekue abe, ete ebote fə Onanto eto unyeləkətidi kuutsyuə embɔbɔ utsyi lə Galilea.” ⁵³ (Nya utsyuə saa dídu úsu diyo.)

8

Usio Wə Bəmuə Lə Kusəkpokpo Ɔsuə.

¹ Fɛɛ Yesu wə édu úsu Nnuəbi eto Eyi eto Kɔtini əsuə. ² Kəsiasə eto olesia tuu, úsinkli úsu Yudafɔ eto Disumuyo. Betidi bamə kenke əbə bətsyilama wə, nya úsia lə mə nti, útsyiko mə asa bote. ³ Mfóo, kɔfi eto bateasa ku Farisifo lékpa usio utsyuə wə bəmuə kɔni kɔni lə disənkpo əsuə báboko mfó. Nya bənyənsə wə lə məmble kenke eto ənəmi. ⁴ Bətɛyi Yesu bənkə, “Oteasa, bəmuə usio əmfo kɔni kɔni lə disənkpo əsuə. ⁵ Lə Moses eto kɔfi əsuəə, ele bə boto wə okle aba bolo,” lə bənyə etiki lə wə, “Ntsyə fanle bɔtɛyi lə nnya əsuə?” ⁶ Bátɔ wə nyamfo bə lə befi bato wə babe lə bayɛ lə nnya əsuə bəmuə wə.

Fɛɛ Yesu əbə kaso nya úfi wə lenimi útsyiko asa bɔwɔni lə kasɔnti.

⁷ Nya se bensi bənyə banle wə etiki bɔtɔɔ, óbesə əsuə kato nya ótɛyi mə nkə, “Mi nti eto nwə dímenyifo tɔ lebua unyəə, di utute lə oto wə leba.” ⁸ Nya usi úbə kaso, ówɔni asa lə kasɔnti ku wə lenimi.

⁹ Se beninə bamə leno nnya nkoo, məmble kenke édu oni, oni, idu lə beninətidi əsuə. Isi ibu Yesu ku usio əmə mate nsi nyə mfó.

¹⁰ Yesu átakasə əsuə únyə nya óto usio əmə nkə, “Boambe, se báfe? Nyalə, mə kuutsyuə mémbu loolo fə dikpi?”

¹¹ Mfó usio əmə dítə mbuayə nkə, “Owo lo, Bonamute.”

Nyaso Yesu áteyi wə nkə, “Nko ke mintsya ləmbolo fə dikpi nɛ. Nyaso du esu. Fɛɛ mensisu eyifo lebua bio.”

Yesu Ni Kawunsia Eto Diyənde.

¹² Yesu esi údi Farisifo etiki óteyi nkə, “Mə ni kawunsia eto diyənde. Utidi wə ke ntekəko məə, wuunyə diyənde nə ləətə utidi nkprə tinti nya wəəmbəyɛ lə ketuntu əsuə kulefe.”

¹³ Farisifo bamə áteyi wə bənkə, “Alə etiki budi ketsyi lə fə əsuə. Nyaso nnya fanlə bəteyi əmbə kalende saa.”

¹⁴ Mfó nya Yesu ləteyi mə nkə, “Owo lo, ite bə nle etiki budi ketsyi lə mə əsuə tsyaa, lesa nə minlə bəteyi kpe kalende, itsyise nyi kaka mintsyi, nya minyi kaka minto. Fɛɛ mimii, binyi kaka mintsyi nye kaka minto. ¹⁵ Mii, kawunsia eto nsusu əsuə nnya biefi kakponko asa lekpo nɛ, fɛ məo, mankponko kuutsyuə lekpo. ¹⁶ Fɛɛ lə bə nyifo nkoo, mə lekpokponkpo ebəyɛ lə sitinti eto kusu əsuə. Itsyise inni mə mate lookpo ni. Bomu Anto wə létsyese mɛɛ, əənyə mɛ kama. ¹⁷ Nya lə mi kofi əsuəə, bəwəni bəkpe bə, lə badansie inuə eto kenye akate lə etiki ətsyuə əsuəə, lesa nə bəteyi kpe kalende. ¹⁸ Məo, meedi adansie lə

lesa nə maateyi əsua, nya mɔ Anto wə létsyese mə tsya eedi adansiə lə mə əsua.”

¹⁹ Mfó bátɔ wə bənkə, “Se fə anto əmə nkpe?”

Yesu ətə mbuayɛ nkə, “Binyi mə nya binyi mɔ Anto əmə tsya. Lə bote ete bete məɛ, eni biote mɔ Anto tsya.” ²⁰ Yesu átɛyi nyamfo lə okokakoko se ɔnlɛ asa bote lə Disumuyo nəmə. Fɛɛ kuutsyuə saa məmmuə wə, itsyise wə lefe mányo tɔ.

²¹ Yesu esi ótɛyi mə nkə, “Məəbə budu lə mi ɔflo, nya biɔbɛbɛ mə, fɛɛ biukpə lə mi abua əsua. Nya kaka mintɔɔ, biembofo mfó bubə.”

²² Nyaso Yudafɔ bamə átɔ mə əsua bənkə, “Wə əsua ɔntɔ kalokɔ eso ótɛyi nkə, ‘Biembofo kaka mintɔ bubə lee’?”

²³ Yesu ətə mə mbuayɛ nkə, “Mimii, kasɔ mfo eto betidi bini. Nya mɔɔ, ntsyi kato. Mi etsyi kawunsiə mfo, fɛɛ mɔɔ, mentsyi kawunsiə mfo.

²⁴ Nyaso míntɛyi mi minkə biukpə lə mi abua əsua nɛ. Nya lə biamfo bɛnɔ biə mɔ ni nwə minii, biukpə lə mi abua əsua sitinti.”

²⁵ Bátɔ wə bə, “Owoe feni?”

Yesu ətə mə mbuayɛ nkə, “Lesa nə míntɛyi mi itsyi taa kasɔ ketsyikokɔɔ, ni əmə ete nɛ. ²⁶ Nkpe etiki kpə lə mi əsua nnya ele bə mfi nlo mi dikpi. Fɛɛ nwə létsyese məɛ, sitintitidi uni. Nya asa nnya minɔ mintsyiko wə ɔfloɔ, nnya mimfi minlɛ letsya bobɛ kətə kawunsiə nɛ.”

²⁷ Mfóo, bánno kasɔ bə Yesuu, Anto əmə əsua ɔnlɛ etiki budi ketsyiko. ²⁸ Nyaso ótɛyi mə nkə, “Lə bebesə Utidi Eto Ubi əmə kato, nyafɛ biote biə mɔ ni nwə mini nɛ, nya meenyifo kulesa lə mɔ əsuaale əsua. Bomu lesa nə mɔ Anto léte mə nkə nteyii, ni hã maateyi nɛ. ²⁹ Nwə lekpe

mε kɔtɔɔ, si ko mε. Wóanyani mɔ mate utsyə, itsyise meeyifo lesa nə læyuaəsə wə kafa lefe saa.” ³⁰ Nya se ótɛyi nyamfo mməə, betidi kpə ba lenɔ ótɛyi nyamfoo, áfo wə bánɔ.

Yesu Flakə Betidi Ba Ni Abraham Eto Bebi Óte.

³¹ Nyaso Yesu átɛyi Yudafo ba léfo wə bánɔ nkə, “Lə biyifo lə mɔ asatete əsuəə, ete bə biyifo mɔ bakasebi sitinti nε. ³² Biote sitinti siamə, nya sitinti siamə ebutə bisia lə mi əsuə əsuə.”

³³ Bátɛyi wə bənkə, “Abraham eto beflufu buni, nya bóendi tɔ ndomufɔ butə kuutsyuə saa tɔ búnyə! Ntsyə ibə fε faatɛyi fənkə, bootə busiə lə bo əsuə əsuə?”

³⁴ Yesu ətə mə mbuayε nkə, “Nlε mi bɔtɛyi sitinti minkə utsyuə saa ke leeyifo lebuaa, uyifo ndomunyə utə lebuə. ³⁵ Ndomunyə aamfiani oyobi wə nkpe kedikɔ kulefe. Bomu oyosate eto ubii, wə kpe kedikɔ lefe saa. ³⁶ Nyaso lə mɔ Onanto eto Ubi ətə kusu nkə bisia lə mi əsuə əsuə əsuəə, ete bə bisi lə əsuə əsuə sitinti nε. ³⁷ Nyi miə Abraham eto bebi bini. Fεε belə biə bialo mε, itsyise biamfo asa nnya maate mi bεnɔ, eso. ³⁸ Lesa nə mímfɔ mintsyiko mɔ Anto ɔfloɔ, ni maateyi nε. Nya mi tsyaa, lesa nə bεnɔ bitsyiko mi anto ɔfloɔ, ni bεnlε buyifo nε.”

³⁹ Yudafo bamə átɛyi wə bənkə, “Abraham ni bo anto.”

Yesu átɛyi mə nkə, “Lə Abraham eto bebi bini sitintii, eni biuyifo asa nnya Abraham díyifo seka. ⁴⁰ Fεε belə biə bialo mɔ nwə laateyi mi sitinti sia míno mintsyiko Onanto ɔflo. Abraham ményifo nko. ⁴¹ Asa nnya mi anto kosate díyifoo, nya bεnlε buyifo nε.”

Mfó bǎtɛyi wə bənkə, “Bunni basɔnɔbi! Anto ɔni nkpe bo, wə ni Onanto!”

Yesu Ɔlɛkə Betidi Ba Ni Balo Eto Bebi Ote.

⁴² Yesu áteyi mə nkə, “Lə Onanto ete ni mi antoo, eni biala mə. Itsyise Onanto ɔflo míntsyi mímbə mfo. Inni mə kɔsate eto lelabi əsuə mímbə. Bomu wə ni nwə létsyese mə. ⁴³ Ntsyɛ eso biannɔ lesa nə minlə mi bɔtɛyi kasɔ? Nnya ni bə bianla biə bianɔ ditiki nə minlə mi bɔtɛyi. ⁴⁴ Mi anto Obonsam eto bebi bini, nya bela biə bieyifo wə lelabi. Idu taa kasɔ ketsyikokɔɔ, uyifo nwə laalo betidi. Nya woanla ditiki tinti nəmə itsyise woantɛyi sitinti kulefe. Lə ɔtɛyi sidiaa, wəɛlɛkə wə ditsyɛbi kate. Itsyise nwə laateyi sidia uni, nya wə ni bidia kenke eto anto. ⁴⁵ Fɛɛ məɔ se ini sitinti maateyi mi esoo, biamfo mə kanɔ. ⁴⁶ Mi nti eto owoe lofo mə dikpi bolo nkə nyifo lebuə? Lə nteyi mi sitintii, beso biamfo mə kanɔ? ⁴⁷ Utidi wə ni Onanto eto olee, aənɔ Onanto eto etiki. Nnya eso biannɔ Onanto eto etiki ni bə binni wə bale.”

Yesu Ɔlɛkə Asa Nnya Óte Kasɔ Óte Yudafɔ.

⁴⁸ Yudafɔ áto Yesu bənkə, “Lə bɔtɛyi boənkə Samarianyə feni nya lewɔnɔ bua təkəko fəə, bɔtɛyi sidia?”

⁴⁹ Yesu ətə mə mbuayɛ nkə, “Lewɔnɔ bua saa əntəkəko mə. Nlə mə Anto dibu butə, fɛɛ mi əntə mə dibu. ⁵⁰ Məɔ, maambɛɛ dibu kətə əsuə. Fɛɛ nwə laabɛɛ nkə betidi tɛsə məɛ, kpe. Wə ni nwə laakpo lekpo kayenko lə kusu əsuə nɛ. ⁵¹ Nlə mi bɔtɛyi sitinti minkə, lə utsyuə eetsyue mə asatete kotoo, wəmbukpə kulefe!”

⁵² Yudafɔ átɛyɛ wə bənkə, “Mfe fɛ buunyə boə lɛwɔnɔ bua təkəko fə nɛ! Abraham əkrə, nya Onanto eto bənyɛləkətidi tsya díkrə, fɛɛ fə lɛ bɔtɛyi fə nwə ke ditsyue fə asatete kotoo, əmbukpə kulefe! ⁵³ Bubu feebu fə fə lɛmɔ fanso Boanto Abraham wə díkrə, fɛɛ? Onanto eto bənyɛləkətidi tsya əkrə! Owoe eto okle feebu fə wə feni?”

⁵⁴ Mfó nya Yesu díte mbuayɛ nkə, “Lə mɔ əsuə maatesɛɛ, nyalɛ mɔ atesə nyamə manle kulesa. Fɛɛ nwə laatesə mɛɛ, wə ni mɔ Anto. Wə ni nwə biatɛyi biə wə ni mi Onanto nɛ.

⁵⁵ Mii, binyi wə. Fɛ mɔɔ, nyi wə. Lə ntɛyi miə minnyi wəə, nyalɛ moofiani odia fe mi ke, fɛɛ nyi wə, nya meetsyue wə ditiki koto. ⁵⁶ Mi anto Abraham ənyə disuəyuə se ónɔ mɔ bubə eto asa. Nyaso úfi ənəmi útəkə lə mɔ bubə əsuə nya únyə disuəyuə.”

⁵⁷ Yudafɔ bamə átɛyi wə bənkə, “Ámamfo tɔ alɛ fosi anɔ kulaa tsya, nya bɔtɛyi fanlɛ bɔtɛyi fə eyi Abraham?”

⁵⁸ Mfó Yesu lɛtɛyi mə nkə, “Nlɛ mi bɔtɛyi sitinti miə, mɔɔ, mfe nkpe koko fɛ bále Abraham.”

⁵⁹ Ete básɛ abambi bə baato wə, fɛɛ Yesu ákula əsuə nya óbɔ údu lə Kedikətəkɔ mfó.

9

Yesu Átsya Unamba Utsyuə.

¹ Se Yesu díbə ófe ɔntɔɔ, únyə utidi utsyuə wə bále unamba. ² Wə bakasebi áto wə bənkə, “Oteasa, owoe eto lehua díte bále osani əmfɔ unamba? Wə kosate eso lee wə antomə eto abua eso?”

³ Mfó Yesu díṭə mə mbuayɛ nkə, “Inni nwə mfo nye wə antomə díyifo lebuə eso. Bomu bále wə nko bə lə ɛyɛ lə wə əsuə lə Onanto lə uləkə wə keyifo eto əsuəale ote betidi. ⁴ Se bonkpe lə kalesiəsiə əsuə esoo, ele bə buyifo keyifo butə nwə létsyese mə. Kale əəbə bolo nya kuutsyuə saa lensiembofo keyifo buyifo. ⁵ Lefenə eto lefe minsi minkpe lə kawunsiə, mə ni kawunsiə eto diyənde.”

⁶ Se Yesu ləṭeyi nko ólosə, ókpo ntufə lə kaso, ówɔ site úfi se údikiti wə lə ənəmi, ⁷ nya óṭeyi wə nkə, “Su lə esu əflə ntu lə Siloa eto Ditubiə əsuə.” Siloa eto kaso ni nkə Bákpe wə. Nyaso osani əmə ésu úflə ntu bomə. Nya wə ənəmi ləsinini ɔnlɛ asa bunyə, nya úsinkli úbə oto.

⁸ Wonko mba nkpe lə koyotsya ku betidi ba kenke díkənyə wə ɔnlɛ asa bɔtɔɔ, átɔ bənkə, “Inni osani əmfo ni nwə díkəsiə lə mfó úkatɔ asa?”

⁹ Bətsyuə áṭeyi bə wə uni. Fɛɛ babamba áṭeyi bənkə, “Owo lo, inni wə uni. Bole ete ole wə.”

Mfó nya utidi əmə kosate ləṭeyi nkə, “Mɔ uni!”

¹⁰ Bátɔ wə bənkə, “Ntsyə ibə fɛ fanlɛ asa bunyə?”

¹¹ Úṭə mbuayɛ nkə, “Utidi wə baakpo Yesu ləwɔ sitə udikiti mə lə ənəmi nya óṭeyi mə nkə nsu mflə ənəmi lə Siloa eto ditubiə. Nyaso nsu, nya se mímfle ənəmi mínlosə ete míntsyiko asa bunyə.”

¹² Bátɔ wə bə, “Sieti onkpe?”

Úṭə mə mbuayɛ nkə, “Mante kaka onkpe.”

Farisifo Áto Unamba Emə Kase Bəye Bətsya Wə.

¹³ Bəkpə nwə eto ənəmi léba kə əməə, bəsuko Farisifo bamə oflo. ¹⁴ Diyi nə Yesu lenwə sitə údikiti lə unamba əmə eto ənəmi fə ótsya wəə, éyifo Ǿnwéditsyayi.

¹⁵ Nya Farisifo bamə tsya letə osani əmə kase íyifo fə útsyiko asa bunyə. Ǿteyi mə nkə, “Sitə Ǿnwə úfi údikiti mə lə ənəmi. Nya mímfle mə ənəmi ete míntsyiko asa bunyə.”

¹⁶ Mfó nya Farisifo bamə eto bətsyuə leteyi wə bənkə, “Utidi wə díyifo nyamfo embofo Onanto oflo butsyi! Itsyise weenyifo lə Ǿnwéditsyayi eto kəfi əsuə.”

Fəə mə bətsyuə bamba áteyi bənkə, “Ntsyə yoofə bubə bə obuayifo ebofo ayanisa nyamfo eto okle buyifo kate?” Itə kəsənsə édufə mə lenti.

¹⁷ Nyaso Farisifo bamə esi bəto osani əmə bənkə, “Se fanle bəteyi fənkə wə lesini fə ənəmi, be ni fə nsusu itsyi lə wə əsuə?”

Mfó nya osani əmə díte mbuayə nkə, “Onanto eto Unyeləkətidi uni.”

¹⁸ Yudafo bamə mámfo bəno sitinti bə osani əmə ába ənəmi fə usi útsyiko asa bunyə isu ese lefe nə bəkpadi wə anto mə díbə.

¹⁹ Bəto mə bə, “Mi ubisaibi ni nwə mfo? Biə béle wə unamba, nya ntsyə iyifo fə omfe Ǿnle asa bunyə mómə?”

²⁰ Wə anto mə ətə mbuayə bənkə, “Buyi boə bo ubi uni. Nya bunyi tsya boə bole wə unamba.

²¹ Fəə bunyi kase íyifo fə omfe Ǿnle asa bunyə. Nya bunyi futsyə tsya létsya wə ənəmi nyamə. Bəto wə kosate lə Ǿteyi mi itsyise wóobe!” ²² Wə

antomə áteyi nyamfo nko itsyise bale Yudafɔ sikpi bote, itsyise Yudafɔ áteyi bətsyə bə utsyə ke leteyi nkə ófo Yesu óno fe Nwə Onanto Lékpo Ɔhile Utsyəə, boolakə wə betsyiko lə mə katsyakɔ. ²³ Nyamfo eso wə antomə leteyi bənkə, “Wóobe, bəto wə kosate nɛ!”

²⁴ Bákpadɪ nwə bále unəmba əmə dinuəfə nya bátəyi wə bənkə, “Te Onanto sikpi lə ateyi bo sitinti! Buyi boə utidi wə létsya fɛ mfó eyifo obuayifo!”

²⁵ Osani əmə ətə mə mbuayɛ nkə, “Mɔɔ, minnyi lə obuayifo ni osani əmfɔ lee unni. Lesa lɔni minyi mɔɔteyi ni bənkə, kɔɔ mba ənəmi. Fɛɛ mɔmɔɔ, mfe nɛ bunyə!”

²⁶ Bátɔ wə bənkə, “Be úyifo fə nya ntsyə óyɛ ótsya fə ənəmi nyamə?”

²⁷ Útə mbuayɛ nkə, “Mboka mi bɔteyi éfe, fɛɛ bianla biə biafo nnya. Beso bela biə bisi biano nnya? Lee, bela biə miitsya afiani wə bakasebii?”

²⁸ Báka wə bátəyi bənkə, “Fə ete ni wə okasebi. Boo, Moses eto bakasebi buni. ²⁹ Buyi boə Onanto édiko Moses etiki. Nya nwə mfo alɛɛ, boante kaka utsyi kulaa tsya!”

³⁰ Mfó nya osani əmə leteyi mə nkə, “Nte ditiki nə eto okle ni nəmfɔ? Binyi kaka utsyi, fɛɛ wə lɛsini mɛ ənəmi nɛ! ³¹ Buyi boə Onanto eentsyue babuayifo koto, fɛɛ lə utsyuə eesumu Onanto, nya weeyifo wə lelábii, weetsyue wə koto kano wə olatoto. ³² Idu taa kawunsɪə eto kaso ketsyikokɔɔ, bóanno tɔ bə kuutsyuə saa wə átsya nwə bále unəmba. ³³ Lenni Onanto oflo utsyii, eni wəmbɔfo kulesa buyifo.”

³⁴ Bateyi wə bənkə, “Fə bále ku lebuá fábe ku nii! Nya fə bomu lela fə aate bo asaa?” Nyaso bála wə, bábənkó lə Yudafo eto katsyakó kamə.

Betidi Bətsyuə Eebu Bə Bəənyə Asa Wuee.

³⁵ Yesu áno nkə bála wə nyaso se únyə osani əməə, óto wə nkə, “Áfo Utidi Eto Ubi áno?”

³⁶ Osani əmə ətə wə mbuayə nkə, “Nto, te mē futsyə uni, bə lə mfo wə nno.”

³⁷ Mfó nya Yesu leteyi wə nkə, “Ébunyə utidi əmə koko, nnyə wə ni nwə nle fə etiki budinko mfo mómó nē.”

³⁸ Osani əmə áteyi nkə, “Bonamute, mfo nno!” Nya óse akonki lə Yesu eto ənəmi úsumu wə.

³⁹ Yesu áteyi nkə, “Mbə kawunsiə kamfo bə lə nkpronko betidi lekpo, bə lə bənəmba lə bənyə asa, nya mba ləənyəə, lə bafiani bənəmba.”

⁴⁰ Farisifo ba dínyə mfo leno nnya Yesu leteyii, áto wə nkə, “Nyale bəteyi fanle fə bo tsya ába ənəmi lee?”

⁴¹ Yesu ətə mə mbuayə nkə, “Lə boba mi ənəmi lebaa, eni biebudi dikpi, fē se biə bele bunyə esoo, mi abua təkə mi lə əsuə.”

10

Nwə Nyi Basamu Bəyənko, Aale Mə Ola.

¹ Yesu áteyi mə nkə, “Nle mi bəteyi sitinti miə, utsyuə saa ke dímanyə lə lesamuyo eto kesie údufə lesamuyo nəməə, bomu óyē kusu bamba saa údufə lə ni kafoo, eyifo uyu ku nwə laabiasə asa. ² Nyaa, nwə ke laayə lə kesie kedufə lesamuyo nəmə kafoo, wə ni nwə laayenko

basamu tinti nɛ. ³ Nya nwə laase lesamuyo eto kesie aasini kesie eto siku kətə wə. Woakpadi basamu bamə lə mə aye nya baano wə ɔkɔɛ nya woakpra mə kabɔnko. ⁴ Lə okpadi mə nya ɔyenko mə ɔbɔnkoo, woato mə seto kayenko mə nya bəətəkəko wə kama itsyise beeyi wə ɔkɔɛ. ⁵ Bəmbutəkəko kuutsyuə bamba kama. Bomu bootsyetsyi bedu itsyise benyi wə ɔkɔɛ.”

⁶ Yesu átɛyi mə lekpra nəmfo, fɛɛ bánno nnya ótɛyi mə eto kasɔ. ⁷ Lə nyamfo esoo, Yesu esi ótɛyi mə nkə, “Lə sitintii, mo ni kesie itə basamu bamə. ⁸ Betidi ba kenke lɛto mɛ seto bəbəə, beyifo beyu ku mba laabiasə asa. Fɛɛ basamu bamə méntsyue mə koto. ⁹ Mo ni kesie kamə. Lə utsyuə ayɛ lə mɛ udufə lə kafoo, wuunyə bofo. Wuudufə lə mfó ukabɔ, nya wuunyə didisa sɛɛ ukedi. ¹⁰ Uyuu, bubə ete woəbə nkə lə uyu, olo utidi, obiasə asa. Moɔ, mbə miə lə binyə nkpə, nkpə bo lɛflo.

¹¹ “Mo ni utinti wə laayenko basamu, nwə lɛtɔno nkə weefi wə nkpə utə lə wə basamu eto disi. ¹² Utidi wə laayenko basamu wə baafɔ diyi eto kayo nya benni wə kosate eto balee, weetsyetsyi kedu lə unyə ukiti nle bubə. Ukiti əmə eedufə mə lenti kəmuə mə nya wəəsensə mə. ¹³ Utidi əmfo eetsyetsyi kedu itsyise diyi eto uyifoyifo ete uni. Nya basamu bamə eto bɔflo nye mə kasɛɛ aanka wə.

¹⁴⁻¹⁵ “Mo ni utinti wə laayenko basamu. Fe kase Anto əmə nyi mɛɛ, nya mintsya nyi wəə, nko ke mintsya nyi mo basamu, nya məətsya nyi mɛ nɛ. Nya míntɔno miə məəkpə lə mə disi.

¹⁶ Nkpe basamu bamba ba læmbə læ lesamuyo nəmfo tɔ. Ele bæ nyenko mə tsya mboko, nya mə tsya læ banɔ mɔ ɔkɔɛ. Nya məmble loofiani basamu eto ditsyukpa lɔni læ ɔyenkoyenko ɔni eto kalo.

¹⁷ “Anto əmə aala mɛ, itsyise ntɔnɔ miə mækpə læ mə disi, bæ læ nsinkli mbə nsia nkpə bio. ¹⁸ Kuutsyuə saa embofo mɔ nkpə bofo læ mɔ ani, bomu mɔ kosate dífi mu míntə miə mækpə. Nkpe əsuəale bæ moofu mu bufi kətə. Nya əsuəale si ekpe mɛ bæ nsinkli mfo mu. Nko əmə mɔ Anto ditə mɛ nkə nyifo nɛ.”

¹⁹ Lə etiki nnya Yesu læteyi mfo esoo, kabakəfə esi kédufə læ Yudafo bamə nti. ²⁰ Mə nti eto bətsyuə kpə áteyi bənkə, “Ləwɔnɔ bua təkəko wə. Ɔlɛ kumunə bukpə! Beso ele bæ besi betsyue wə koto fɛ?”

²¹ Fɛɛ babamba tsya áteyi bənkə, “Utidi wə əsuə læwɔnɔ bua nkpee, embofo etiki nyamfo eto okle bətəyi! Ntsyə læwɔnɔ bua luuyifo unamba si unyə asa fɛ?”

Yudafo Mámfo Yesu Bánɔ.

²² Lɛyɔlefee, nya beedi Yudafo eto Disumuyo Bufikakpe læ Onanto kɔni eto Diyi læ Yerusalem.

²³ Yesu ákayɛ kafe læ Disumuyo eto lekpake nə baakpo Solomo eto Ablanase mfó. ²⁴ Mfó nya Yudafo bamə létsyilama wə, nya bátɔ wə bənkə, “Isu ese dimamfe lefe kon fookpe bo læ ketuntu əsuə esu ase? Teyi bo sitinti siamə, læ fə ni Utidi əmə Bákpo Ɔhile Bətsyə.”

²⁵ Yesu ətə mə mbuayɛ nkə, “Mbətəyi mi nyamfo koko, tsya biamfo mɛ akanɔ. Asa nnya

meeyifo læ mɔ Anto eto əsuəale əsuə, læ mɛ buləkə kate. ²⁶ Fɛɛ biəmbofo mɛ bɛnɔ, itsyise bientsyi mɔ basamu bamə nti. ²⁷ Mɔ basamu eetsyue mɛ koto. Nyi mə, nya bəətəkəko mɛ. ²⁸ Ntə mə nkpə manlo, nya bemuukpə kulefe. Nya kuutsyuə saa embofo mə læ əsuəale əsuə læ mɔ kɔni. ²⁹ Mɔ Anto wə dɪfi mə útə mɛɛ, kpe ale oso lesa saa. Kuutsyuə saa embofo mə bofo læ əsuəale əsuə læ mɔ Anto eto kɔni kulefe kulefe. ³⁰ Anto əmə ku mɔɔ, eyifo bani.”

³¹ Mfó nya Yudafo bamə dísi báse aba bə bato wə. ³² Yesu átɛyi mə nkə, “Nyifo nnyifo sɛɛ kpə bo mɔ Anto lékpe mɛ læ mi nti. Nya nte nnya eso bela biə biakpə mɛ aba?”

³³ Yudafo bamə ətə wə mbuayɛ bənkə, “Inni nnyifo sɛɛ bo féyifo eso boə boakpə fə aba. Bomu mbusiotiki nnya fédi eso! Utidinini ete feni, fɛɛ éfi fə əsuə éyifo fe Onanto!”

³⁴ Mfó nya Yesu díte mbuayɛ nkə, “Báwɔni bákpe læ mi kosate eto Kɔfi eto Kukue bə Onanto átɛyi nkə, ‘Beyifo fe bananto.’ ³⁵ Buyi boə lesa nə báwɔni bákpe læ Awɔnisa Kɛnkɛ eto Kukue, eyifo sitinti itə lefe saa. Nya mfó Onanto lékpadi betidi ba léfo wə Ditiki Sɛɛ nəmə nkə, ‘Beyifo fe bananto.’ ³⁶ Fɛɛ mɔɔ, Anto əmə díləkə mɛ nya ótsyese mɛ kawunsiə nɛ. Nya ntsyə eso fɛ biɔtɛyi biə ndi mbusiotiki læ nnya míntɛyi miə nyifo Onanto eto Ubi? ³⁷ Lə minlɛ mɔ Anto eto nnyifo buyifoo, nyalɛ biamfo mɛ bɛnɔ. ³⁸ Fɛɛ læ nɛ mu buyifoo, læ biamfo mɛ bɛnɔ tsyaa, ele bə befo asa nnya meeyifo bɛnɔ, bə læ betɛ læ bɛnɔ nnya kasɔ biə Anto əmə si læ mɛ, nya mintsya nsi nkpə læ wə.”

³⁹ Mfó tsyaa, besi bála bə bəəmuə Yesu, fɛɛ usi óbɔ læ mə nti údu.

⁴⁰ Yesu esi úsu óyila Ketu Yordan úsu kaka Yohanes díyifo betidi ntuflesəfləsə eto lekpa tute, nya ótsyime mfó. ⁴¹ Betidi kpə əbə wə ɔflo nya bátɛyi bənkə, “Yohanes ményifo ayanisa saa óte. Fɛɛ lesa saa nə ótɛyi itsyi læ utidi əmfɔ əsuə eyifo sitinti.” ⁴² Nya betidi kpə læ mfó léfo wə bánɔ.

11

Lazaro Eto Ukpə.

¹ Osani utsyuə baakpo Lazaro wə dísiə læ umə wə baakpo Betania áno bufi. Wə ku wə bayimisiu inuə ba baakpo Maria ku Marta dísiə læ umə əmə. ² Maria əmfɔ ni nwə dífi nnuəbi bo laanyi fififi ókpo Bonamute Yesu læ akpa nya úfi wə disi eto sɛwɔni ósi wə akpa nyamə. Wə ɔyimisani ni Lazaro wə lenɔ bufi bɔnlɛ bɔtɛyi mfo nɛ. ³ Wə bayimisiu bamfo átsyese Yesu kɛnyɛ bə, “Bonamute, fə ɔyetsyuə lala áno bufi!”

⁴ Se Yesu léfo kɛnyɛ kamfoo, ótɛyi nkə, “Bufi bomfo enni bukpəmfɔ itə wə, bomu iyifo nnya əsuə buufi babesə Onanto eto diye kato, nya eyɛ læ nnya əsuə babesə Onanto eto Ubi tsya kato.” ⁵ Nyaa, Yesu ála Marta ku wə ɔyimisiu ku Lazaro eto asa tinti. ⁶ Fɛɛ se óno nkə óno bufi, usi ókɛ mfó eyi ənuə okpɛ.

⁷ Nyamfo eto kamaa, ótɛyi wə bakasebi nkə, “Bitə læ businkli busu Yudea.”

⁸ Mfó nya wə bakasebi letɛyɛ wə nkə, “Oteasa, kayinkənə ete Yudafɔ díkabɛbɛ kusu bə baakpo fə aba, nya fanlɛ bɔtɛyi fənkə busi boesu mfó?”

⁹ Yesu ətə mə mbuayə nkə, “Inni lefosi abombosɔɔ ənuə nkpe lə diyi eto kalekprakpa əsuə? Lə utsyuə lə bɔyɛ lə kalekprakpa əsuəə, weentusə itsyise ɔlɛ kawunsiə kamfo eto lekpasə bunyə. ¹⁰ Fɛɛ lə ketsye ɔnlɛ bɔyɛɛ, wuutusə itsyise lekpasə əmbə itə wə.”

¹¹ Se Yesu lətɛyi nyamfo ólosəə, usi ótɛyi úkə nkə, “Bo ɔyetsyuə Lazaro lə selabe, nyaso ntɔ wə kasanklisə kɔ.”

¹² Se bakasebi bamə lenɔ nkoo, bətɛyi wə bənkə, “Bonamute, lə selabe onlabee, nyalɛ yuuyuə wə.” ¹³ Fɛɛ Yesu wə lə bətɛyi nkə Lazaro ébukpə, fɛɛ wə bakasebi ébu bənkə selabe tinti ótɛyi utsyiko.

¹⁴ Nyaso Yesu ákpasə mə ótɛyi nkə, “Lazaro əkpə. ¹⁵ Fɛɛ lə mi esoo, elɛkɛ itə bə mánkɛ lə mfó fɛ úkpə, bə lə befo bɛnɔ esoo. Nyaso bítə lə busu wə ɔflɔ mfó.”

¹⁶ Mfó nya Toma wə baakpo ɔfimfinyə lətɛyi wə bakaseyimitsyuə bamə nkə, “Bitə lə bo tsya lə butəkəkɔ Oteasa busu bə lə busu bukpə ku wə!”

Yesu Ámansə Lazaro Eto Bayimi Lɛkɔ.

¹⁷ Lefe nə Yesu dísu údufə mfoo, ónɔ nkə bəbikə Lazaro diyi nale ni diyi nəmfó nɛ. ¹⁸ Idu lə Betania isu Yerusalem eyifo fe esunkpo ənuə seka. ¹⁹ Nyaso Yudafɔ kpə əbə mfó bə bəəbə bamansə Maria ku Marta lɛkɔ se mə ɔyimisani díkpə eso.

²⁰ Se Marta lenɔ nkə Yesu lə bubəə, úsu nkə weesu otsyako wə, fɛɛ Maria ebu ɔkɛ lə diyo. ²¹ Marta átɛyi Yesu nkə, “Bonamute, lə nnya ete fake mfoo, eni mə ɔyimisani mənkpə! ²² Fɛɛ

nnyi miə mɔmɔ kulaa tsyaa, lesa saa nə ƒɔtɔ Onantoo, wuutə fə ni.”

²³ Mfó Yesu leteyi wə nkə, “Fə ɔyimisani ebotaka ubə nkpə.”

²⁴ Nya Marta leteyi wə nkə, “Nyi miə wootaka ubə nkpə lə lefe nə bəkpənkpə lootaka lə Diyi Fɛfɛ əsuə.”

²⁵ Mfó Yesu leteyi wə nkə, “Mɔ ni nwə ləətə bəkpəkpə eto botaka kənyə ku businkli kəbə bəsiə lə nkpə nɛ. Utsyuə saa ke léfo mɛ ɔnɔɔ, lə úkpə kulaa tsyaa, wuusie nkpə. ²⁶ Nya utsyuə saa ke nsi nkpə nya ófo mɛ ɔnnɔ, embukpə kulefe. Afo nyamfo anɔ?”

²⁷ Útə mbuayɛ nkə, “Ee, Bonamute. Mfo nɔ miə fə ni Nwə Onanto Lékpɔ Ɔhile Utsyə, Onanto eto Ubi nwə bátɛyi bətsyə bə wuubə kawunsie.”

²⁸ Se Marta leteyi nyamfo ólosəə, úsu ókpadi wə ɔyimisio Maria, nya ótɛyi wə buɛɛ nkə, “Oteasa əmə ebubə nya ɔnlɛ fə disi bɔtɔ.” ²⁹ Se Maria lenɔ nkoo, ótaka mlə nya úsu wə kat-syakokɔ. ³⁰ Lefe nəmfoo, Yesu méndufə tɔ umə kafo. Bomu usi únyə lə kaka Marta díbə otsyako wə mfó. ³¹ Se Yudafɔ ba nsi lə diyo lə Maria ɔflo banlɛ wə ləkɔ bomansə dínyə bə ótaka kplaa, mə tsya átaka bətəkəko Maria kama. Bébu bə kudi komə eti ɔntɔ lə usi usu uwi keku.

³² Se Maria dísu údufə kaka Yesu ɳyəə, óse akonki lə wə akɔ nya ótɛyi wə nkə, “Bonamute, lə nnya ete fáke mfoo, eni mɔ ɔyimisani mənkpə!”

³³ Yesu ənyə kase Maria ku betidi ba dítekəko wə nlɛ nku. Ílə wə lə utu nya óla ówɔnɔ hũũ.

³⁴ Ɔtɔ mə nkə, “Sieti bíbikə wə?”

Bətə mbuayε bənkə, “Bonamute, bə lə əbə abe.”

³⁵ Mfóo, Yesu éwi keku.

³⁶ Nya Yudafo bamə letɛyi bənkə, “Bebe kase ko óla wəə!”

³⁷ Fεε mə bətsyuə átɛyi bənkə, “Ɔsini unemba ənəmi nya ɔnlε asa bunyə. Beso wəntə lə Lazaro lə ɔyε bukpə?”

Yesu Átakasə Lazaro Útsyiko Ɔkɔmə.

³⁸ Isi ílə Yesu tinti, nya ónyi úsu kudi komə ɔflo. Kudi komə eyifo dibia lə koba kafo nya béfi leba béti ko kenye. ³⁹ Yesu átɛyi mə nkə, “Bənyi leba nəmə lə kudi komə eto kenye.”

Mfó nya Lazaro əmə eto ɔyimisio Marta letɛyi Yesu nkə, “Bonamute, wuukanyi mómɔ, itsyise mmi ni diyi nale se bəbikə wə nɛ!”

⁴⁰ Yesu átɛyi wə nkə, “Mántɛyi fə minkə lə áfo mε ánɔɔ, ebunyə Onanto eto diyənde?”

⁴¹ Nyaso bányi leba nəmə lə kudi komə eto kenye. Yesu ábesə ənəmi kato óbe nya ótɛyi nkə, “Nto, maaso fə ani, itsyise eetsyue mε koto lə nkpadɪ fə. ⁴² Nyi miə eetsyue mε koto lefe saa. Fεε mba ínyə mfo eso minlε nyamfo bətɛyi nko, bə lə bafo banɔ bə fə lékpε mε kɔtɔ.”

⁴³ Se ótɛyi nyamfo nkoo, ófa bembembe nkə, “Lazaro, bə əbə!” ⁴⁴ Nya ukpənkpə əmə ləbɔ úbə ku kafia ka béfi bəmini wə əsuə ku nka béfi bəmini wə ənəmi.

Nya Yesu letɛyi mə nkə, “Beyankli we bikə biamə lə əsuə lə udu.”

Yudafo Ákpe Disi Bə Baalo Yesu.

⁴⁵ Lə nyamfo esoo, Yudafɔ ba díbə Maria ɔflo nya bənyə nnya Yesu díyifoo, eto bətsyuə kpə áfo wə bánɔ. ⁴⁶ Fɛɛ mə bətsyuə édu bésu Farisifo ɔflo nya bátɛyi mə lesa nə Yesu díyifo. ⁴⁷ Nyaso Farisifo ku besumunyə ninə ákpe disi ku Yudafɔ eto batɔnkotɔnko nya bátɔ bətsyuə bənkə, “Be ele bə buyifo? Bebe ayanisa kpə nnya osani əmfo nle buyifo kate! ⁴⁸ Lə butə wə kusu ɔnle nyamfo buyifo nkoo, utsyuə saa ebofo wə ɔnɔ. Nya Romafɔ luubə baba bo Disumuyo kənke kamə ku kusə komə tsya!”

⁴⁹ Mfóo, mə nti eto nwə baakpo Kayafa, wə ni Usumunyə Ninə lele nəmfoo, letɛyi mə nkə, “Ntsyə asakasonɔnɔ lələ mi mmə! ⁵⁰ Binyi tɔ biə elɛke bə utidi ɔni kpə lə kusə komə eto disi enso bə kusə komə kənke eto betidi tsylɔ lee?”

⁵¹ Lə sitintii, wóantɛyi nyamfo eyɛ lə wə kosate eto nsusu əsuə. Bomu fe nwə ni Usumunyə Ninə itə lele nəmfo esoo, Onanto áyɛ lə wə əsuə útə nkə ɔtɛyi nyamfo, nnya ni katɛyikətsyə bə Yesu ebubə ukpə lə Yudafɔ kənke eto disi. ⁵² Inni bənkə lə ukpə lə kusə komə eto disi mate ete. Bomu bə eyɛ lə nnya əsuə, lə ɔsɔ Onanto eto bebi ba kənke dísensə bankpo lə kawunsia eto akpɔ akpɔ nnya kənke lebo, beyifo bani.

⁵³ Lə nyaso ídu dinəmfo əsuə, Yudafɔ eto beninə bamə dítsyiko esu bɔbɛbɛ kase bomuə Yesu lə balo wə. ⁵⁴ Lə nyamfo esoo, Yesu ménsifo bɔyɛ kafe mmə lə Yudafɔ nti. Bomu údu úsu úsiə lə uməbibi wə baakpo Efraim kaka lefi mfiminti. Mfó wonko wə bakasebi dísiə.

⁵⁵ Lefe nəmfoo, Yudafɔ eto Ukpə Ása Bo Ɔyila eto Diyi didife éboyo elo. Nya betidi kpə dítsyi kasɔ kamə eto akpɔakpɔ bésu Yerusalem lə besu bəmuə əsuə beyifo əsuəfləflə eto lekpa nəmə fɛ lɛ diyididi nəmə lə leyo. ⁵⁶ Se bənyə lə Disumuyo nəməə, bákabɛbɛ Yesu nya bákato bətsyuə bənkə, “Ntsyə bibu? Nyi miə wəmbɔfo diyi nəmə kedikɔ bubə, lee ntsyə ini?” ⁵⁷ Lefe nəmfóo, besumunyə ninə ku Farisifɔ ébutə bote bə lə utsyuə yi kaka Yesu nkpee, lə ubə utə mə bote, lə besu bəmuə wə.

12

Maria Édiki Yesu Nnuəbi Lə Betania.

¹ Se ibu eyi akua lə bedi Ukpə Ása Bo Ɔyila eto Diyii, Yesu ésu Betania, kaka Lazaro wə Yesu létakasə utsyiko ɔkɔmə ditsyi. ² Mfóo, banwa ditsyitsyosa bətə wə bə lə udi. Marta ni nwə ləwunsəko mə lə lesa nəmə kedikɔ. Lazaro tsya akɛ lə mba ku Yesu dídi lesa nəmə nti. ³ Mfó əmə nya Maria dífi nnuəbi bo laanyi fififi bəyifo bətsyiko lə nnya baakpo naadi əsuə, nya bofo koya tinti eto dituntu kple tɔ úsu ókpo Yesu lə akpa. Nya úfi wə disɪ eto sɛwɔni ósi wə akpa. Bɔnyi fififi bomə éyi diyo nəmə kenke.

⁴ Nya Yesu eto okasebi ɔni wə ni Yuda Iskariot, nwə luubə udu Yesu utə lɛtɛyi nkə, ⁵ “Beso bántɛ nnuəbi bomfo sika flubia alofa ətsyə befi atabi nyamə bətə bakombo?” ⁶ Fɛɛ inni lə kase Yuda dífi kətsyuə lə bakombo eto asa eso ɔtɛyi nyamfo nko. Bomu uyu uni. Wə ɔflɔ atabi eto otobe

dítsyæ, nya úkeyu atabi nyamæ eto ætsyuæ kælækæ kætæ æsuæ.

⁷ Yesu áteyi nkæ, “Beyani wæ kpoo. Bitæ læ uyifo lesa næ woofu buyifo kætsyæ itæ mæ kæbikæ.

⁸ Bakombo kpe læ mi ɔflo lefe saa. Fæe mæ, mæmæokæ læ mi ɔflo lefe saa.”

Yudafɔ Efi Nsusu Bua Læ Lazaro Æsuæ.

⁹ Se Yudafɔ kpæ lenɔ bæ Yesu kpe læ Betania, béti wæ bésu mfó. Nya inni Yesu mate eso bésu mfó, bomu læ bænyæ Lazaro wæ Yesu létakasæ utsyiko ɔkómæ tsya. ¹⁰ Læ nyaso besumunyæ ninæ átsya béfi nsusu bæ boolo wuntsya. ¹¹ Itsyise eye læ Lazaro æsuæ esoo, Yudafɔ kpæ læ kesumu bɔni kætænko Yesu kama.

Yesu Ésu Údufæ Yerusalem Ku Disuæyuæ Kplæ Fe Oka.

¹² Se kale dísiæ, betidi eto ditsyukpa kplæ næ díbæ Ukpæ Ása Bo Ɔyila eto diyisæe næmæ kedikɔ, áno bæ Yesu læ Yerusalem bubæ. ¹³ Nyaso béfi katodi nya bésu bæ baatsyako wæ. Bákafa katæyi bænka,

“Hosiana! Atesæ itæ Onanto! Bætesæ nwæ nle bubæ læ Bonamute eto diye æsuæ! Atesæ itæ Israelfɔ eto Oka!”

¹⁴ Yesu ænyæ ɔflimubi utsyuæ nya úsiæ læ wæ fe kase báwɔni bákpe læ Awɔnisa Kenke eto Kukue æsuæ bænka,

¹⁵ “Biante sikpi mi Sion eto umæ eto betidi!

Nyæ fæ Oka nsi læ ɔflimubi æsuæ ɔnle bubæ!”

¹⁶ Tutæe, wæ bakasebi mánnɔ nyamfo kasɔ. Fæe lefe næ Onanto díkatakasæ Yesu utsyi ɔkómæ úbæ ku dibuu, nya fe bákloma bæ nnya báwɔni bákpe læ Awɔnisa Kenke eto Kukue æsuæ etsyi læ wæ

əsua, nya nnya ni asa nyamfo kenke béyifo bətə wə nɛ.

¹⁷ Betidi ba dínyə mfó fɛ Yesu lékpadi Lazaro útsyiko kudi kafo lə ɔkɔmə óboko nkpəə, ɛsu bátɛyi lesa nə díbə mfó. ¹⁸ Nyamfo esoo, betidi kpə ɛsu bátsyako wə, itsyise bánɔ ayanisa nnya úyifo óte eso. ¹⁹ Mfó Farisifo bamə letɛyi mə bətsyuə bənkə, “Bebe, kulesa anɛ bələkɛ kətə bo! Binyə biə kawunsiə kenke ɛdu bésu bətəkəko wə!”

Yesu Átɛyi Útsyá Nkə Wəəbə Bukpə.

²⁰ Grikifo bətsyuə tsya akɛ lə betidi ba dísu Disumuyo lə Yerusalem lə diyi nəmə kedikɔ nti. ²¹ Bésu Filipo wə dítsyi Betsaida lə Galilea ɔflo, nya bátɛyi wə bənkə, “Boanto, bola boə boənyə Yesu.” ²² Filipo ɛsu ótɛyi Andrea nya mə inuə bamə dídu bésu bátɛyi Yesu.

²³ Mfó nya Yesu letɛyi nkə, “Lefe nəmə eboyo bə babesə Utidi Eto Ubi əmə eto diye kato. ²⁴ Nlɛ mi bətɛyi sitinti miə lə banto lentabi nəmə lə kasɔ dibuu, lentabi lɔɔni ete disi diudi. Fɛɛ lə dibuu, nya fɛ diɔnwɔ ebibi kpə nɛ. ²⁵ Utidi wə lela wə kosate eto nkpəə, ebonyansə mu. Fɛɛ nwə dikisi wə kosate eto nkpə lə kawunsiə kamfoo, ebɔlɔ mu utsyə itə nkpə manlo. ²⁶ Utsyuə saa ke lela nkə weeyifo mə keyifoo, ele bə utəkəko mɛ, itə bə mə uyifoyofɔ əmə ebusiə lə kaka minsi. Nya utsyuə saa ke ni mə uyifoyifoo, mə Antɔ ebokpe wə dibu.

Yesu Édi Etiki Itsyi Lə Wə Ukpə Ɔsuə.

²⁷ “Mɔmɔɔ, ɛɛ mɛ bulə lə mə ləkɔəsi. Fɛɛ be ko ele bə ntɛyi? Bətɛyi ele bə ntɛyi minkə,

‘Nto, mǎntə lə kanyi kamfo eto okle lə kətəkə mɛ lə əsuə lee’? Owo lo! Fɛɛ nyamfo eso mímbə kawunsiə, bə lə nnyə kanyi kamfo eto okle nɛ. ²⁸ Nyaso Nto, tə lə babesə fə diye kato!”

Nya ɔkɔɛ lɛbɔ utsyi kato nɛ bɔtɛyi nkə, “Mbóbesə ni kato koko. Nya nsi muuyifo nko.”

²⁹ Se betidi ba dińyə mfo lɛnɔ ɔkɔɛ əməə, mə bətsyuə átɛyi bənkə ɔsɔmi uni díkumi. Nya bətsyuə lɛtɛyi bənkə, “Onanto eto ɔtɔnkpe utsyuə ni lɛtɛyi wə lesaatsyuə.” ³⁰ Mfó Yesu lɛtɛyi mə nkə, “Inni mɔ eso ɔkɔɛ əmfó lɛbɔ, bomu mi eso.

³¹ “Mɔmɔ ni lefe nə Onanto lookpronko kawunsiə kamfo eto betidi lekpo. Nya Onanto luutu kawunsiə kamfo eto əsuəalenyə lə wə seka əsuə. ³² Fɛɛ lə bɛtsyi mɛ lə kaso babesə katoo, muunə betidi kenke mboko mɔ ɔflɔ.” ³³ Lefe nə Yesu lɛtɛyi nyamfoo, óte ukpə wə eto okle wəəbə bukpə.

³⁴ Mfó nya sitiditu siamə lɛtɛyi nkə, “Bo kɔfi eto kukue ɛ bo bɔtɛyi nkə, Utidi Wə Bákpo Ɔhile Bətsyuə ebusiə nkpə isu manlo manlo. Nya ntsyə ibə fɛ fanɛ bɔtɔyi fənkə boobesə Utidi Eto Ubi əmə kato? Owɔe ni Utidi Eto Ubi əmə mfo?”

³⁵ Yesu ətə mə mbuayɛ nkə, “Diyənde nəmə si diɔkɛ lə mi nti itə lefe sɛkɛ ete. Se diyənde nəmə nsi nkpe mi lenti esoo, bɛyɛ bɛtɔ, bə lə kale lə kayɛ mi bolo lə bidufə lə ketuntu əsuə. Itsyise nwə laayɛ lə ketuntuu, ante kaka ɔntɔ. ³⁶ Nyaso se lekpasə nkpe lə mi ntii, befo lekpasə nəmə bɛnɔ bə lə biyifo lekpasə eto betidi.”

Se Yesu lɛtɛyi mə nyamfo ólosəə, údu lə mə ɔflɔ úsu ɔbiɔ.

Yudafɔ Ɛlækə Bate Bə Bámfo Yesu Banɔ.

³⁷ Ite bə Yesu éyifo ayanisa kpə lə mə ənəmi óte tsyaa, bámfo wə bánɔ.

³⁸ Fɛɛ nyamfo əbə itə nko, bə lə Onanto eto Unyeləkətidi Yesaya eto lesa nə óteyi utsyè lə ibə itə nko nkə,

“Bonamute, owoe léfo ditiki nə bótèyi ɔnɔ?

Nya owoe Bonamute əmə dílækə wə əsuəale óte?”

³⁹ Lə nyamfó eso bámfo bofo kanɔ, itsyise Yesaya esi óteyi nkə,

⁴⁰ Onanto átèyi nkə,

“Mba mə ənəmi nya míninəsə mə,

bə lə mə ənəmi lə eyə asa bunyə.

Nya lə mə nsusu lə bɔyɛ asa kasɔ bɔnɔ.

Itə bəmbɔtsyi bawuninsə befi mə əsuə bətə mɛ, bə lə ntsya mə bufi.”

⁴¹ Yesaya átèyi nyamfo itsyise úbunyə Yesu eto diyənde kokoko, nya údi etiki utsyi lə wə əsuə.

⁴² Fɛɛ ite nko tsyaa, Yudafɔ eto beninə kpə áfo Yesu banɔ. Fɛɛ lə Farisifɔ bamə eso baamfo etiki nyamfo budi kabɔsəə lekple betidi nɔ, bə lə bayɛ mə bola lə mə katsyakɔ eso. ⁴³ Baala bə baafɔ betidi eto atəsə enso atəsə nya ditsyi Onanto ɔflo.

⁴⁴ Nyaso Yesu édi etiki ófa bembembe óteyi nkə, “Utsyuə saa ke laafɔ mɛ kanɔɔ, inni mɔ mate ete ófo ónɔ. Bomu ófo nwə létsyese mɛ tsya ónɔ. ⁴⁵ Nya utsyuə saa ke ləənyə mɛɛ, əənyə nwə létsyese mɛ tsya. ⁴⁶ Mbə kawunsia fe lekpasə, nya utsyuə saa ke léfo mɛ ɔnɔɔ, ensiembɔkɛ lə ketuntu əsuə bio.

⁴⁷ “Lə utsyuə aano mɔ ditiki nya weentsyue ni koto, məmbolo wə dikpi, itsyise məmbə miə

maalo kawunsiə eto betidi dikpi. Bomu mbə miə lə mmfo ntə mə. ⁴⁸ Utidi wə kee leni mɛ nya wámmfo mɔ ditikii, kpe nwə lookpronko wə lekpo. Etiki nya míndii, nya lookpronko wə lekpo lə diyi fɛfɛ nəmə nɛ. ⁴⁹ Nyamfo eyifo sitinti itsyise mánteyi kulesa lə mɔ əsuəale əsuə. Bomu mɔ Anto wə létsyese mɛɛ, léte mɛ lesa nə ele bə nteyi ku kase ele bə nteyi ni. ⁵⁰ Nya nnyi miə wə kɔfi komə əətə nkpə manlo. Nyaso lesa nə kee mínteyii, ni ni lesa nə Anto əmə lɛteyi mɛ nkə nteyi nɛ.”

13

Yesu Əflə Wə Bakasebi Eto Akpa.

¹ Ibu diyi lɔni fɛ lə bedi Ukpə Ása Bo Jyila eto diyisɛ nəmə. Yesu áte nkə wə lefe éboyo bə udu lə kawunsiə kamfo usu wə Anto ɔflo. Úkala mba ni wə bale lə kawunsiə mfo, nya óla mə sitinti isu ese taa kalosəko.

² Yesu ku wə bakasebi akɛ lə lesakediko ku ditsyitsyo nəmfó. Olo əmə ébusu údufə lə Yuda wə ni Simon Iskariot eto ubi eto nsusu nkə lə udi wə okpe lə udu Yesu utə wə balo. ³ Yesu áte nkə wə Anto éfi əsuəale saa útə wə lə lesa saa əsuə. Uyi nkə útsyi Onanto ɔflo nya usinkli ɔnto lə Onanto ɔflo. ⁴ Nyaso ótaka lə lesakediko kamə nya úləkə wə awubunte kplɛ nnya kato útsyə nya úfi sebo ótsyasɛ lə nkɛ. ⁵ Úkuti ntu ókpo lə ɔkpe kplɛ utsyuə kafo nya útsyiko wə bakasebi bamə eto akpa buflə, ákasi nnya ku sebo sia ótsyasə lə nkɛ. ⁶ Se éyo Simon Petro əsuəə, óto Yesu nkə, “Bonamute, buflə fəəbə mɛ akpa lee?”

⁷ Yesu ətə wə mbuayə nkə, “Amanno tɔ lesa nə minlə buyifo mfo eto kasɔ, fɛɛ kamaa, əbɔnɔ nnya kasɔ.”

⁸ Simon Petro ətə mbuayə nkə, “Kulefe! Məmbutə kusu miə lə əflə mɔ akpa kulefe.”

Mfó nya Yesu lətəyi wə nkə, “Lə məmflə fə akpaa, nyalə ensiembuyə kedikɔ lə mɛ.”

⁹ Simon Petro átəyi wə nkə, “Bonamute, nyalə məmflə mɔ akpa mate, bomu flə mɔ ani ku mɔ disɔ tsya!”

¹⁰ Yesu ətə wə mbuayə nkə, “Utsyuə saa ke dɪkəflə ntuu, ole. Nya weensihĩə bə uflə wə əsuə bio, nnya lehiə ete ni bə uflə akpa. Itsyise wə kalebe saa ebole koko. Mi əsuə ébole, fɛɛ inni mimblɛ.” ¹¹ Yesu fe úyi nwə ləəbə wə bokpe lə ani, nyaso ótəyi nkə, “Inni mimblɛ kenke lele.”

¹² Se Yesu díflə mə akpa ólosəə, úsinkli úfi wə awu ókpe, nya úsinkli úsu úsiə lə kasɔ lə kedikɔ kamə. Mfó nya ótɔ wə bakasebi bamə nkə, “Bɛnɔ lesa nə mínyifo mi mfo eto kasɔ? ¹³ Biakpadi mɛ biə Oteasa ku Onamute, nya əflɔ bə bekpadi mɛ nko. Itsyise wə mini nɛ. ¹⁴ Mɔ, nwə ni mi Onamute ku Oteasa ébuflə mi akpa. Lə nko inii, ele bə mi tsya flə mi bətsyuə eto akpa. ¹⁵ Ditsyəbi dini mínyifo mínte mi, bə mi tsya lə biyifo fe kase mínyifo mínte mi. ¹⁶ Nlɛ mi bətəyi sitinti miə uyifoyifo mamɔ oso wə Onamute. Nko ke ini bə ɔtɔyɛ mamɔ onso nwə lékpe wə kɔtɔ. ¹⁷ Se binyi sitinti siamfo esoo, Onanto ebokpo mi atsyɔ lə bəyɛ lə sitintisu əsuə biyifo asa!

¹⁸ “Inni mimblɛ eto etiki minlə bətəyi mfo. Nyi mba mínləkə lə mi nti. Fɛɛ ele bə Awonisa Kenkɛ

eto Kukue eto etiki bæ itə fe kase bāwɔni nnya bətsyə, ‘Utidi wə lékpe kɔni læ ɔkpe ɔni ku mɛ búdi lesaa, wə ni nwə létaka únyə læ mɛ əsuə nɛ.’

¹⁹ “Nlɛ mi nyamfo bəteyi katɔnsə fɛ læ ibə ibə, bæ læ ibə ibə nko sitintii, biofo bɛnɔ biə Mɔ ni Nwə Mini. ²⁰ Sitinti ini minlɛ mi bəteyi minkə, utsyuə saa ke lefo utidi wə míntsyese, mɔ ófo. Nya utsyuə saa ke léfo mɛɛ, nwə létseyese mɛ uni ófo.”

Yesu Áteyi Nwə Luudu Wə Utə Útsyá.

²¹ Se Yesu létseyi etiki nyamfo ólosəə, ílə wə tinti læ lɛkɔəsi. Nya óteyi ókpasə nkə, “Sitinti minlɛ mi bəteyi mi nkə, mi nti eto ɔni ebudu mɛ utə.”

²² Mfó nya Yesu eto bakasebi bamə dítsyi bawuninsə bábe mə bətsyuə eto ənəmi itsyise íyifo mə yaa, nya bántɛ mə nti eto nwə Yesu nlɛ. ²³ Bakasebi bamə eto ɔni wə Yesu laala tintii, əsiə ɔfi Yesu. ²⁴ Lə nyaso Simon Petro áma ənəmi ókpe okasebi əmə, óteyi wə nkə, “Tɔ wə futsyə ɔnlɛ.”

²⁵ Nyaso wuntsya étsyue kɛnyɛ læ Yesu ɔflo nya ótɔ wə buɛ nkə, “Bonamute, owoe ni futsyə?”

²⁶ Mfó nya Yesu díte mbuayɛ nkə, “Utidi wə muubudi lesa nto kutu ntəə, wə uni nɛ.” Lə nyaso Yesu ébudi lesa sɛkɛ úfi óto kutu nya úfi útə Yuda wə ni Simon Iskariot eto ubi. ²⁷ Kase Yuda lefo lesa nəmə koo, Obonsam ko dídufə wə læ əsuə.

Mfó nya Yesu létseyi wə nkə, “Kɔsɛ mlə læ eyifo lesa nə faala fə eeyifo.” ²⁸ Fɛɛ bafɛfɛ ba nsi læ lesakedikɔ mfó mánnɔ kasɔ lesa nə eso Yesu

lɛtɛyi Yuda nko. ²⁹ Mə bətsyuə ébu bə se ini Yuda díkalɛ mə otabitobe esoo, bɔtɛyi Yesu nɛ wə nkə usu oya bikə bia boohiã itə mə diyisɛɛ nəmə eto budi oboko lee usu utə bakombo lesatsyuə.

³⁰ Nya se Yuda léfo lesa nəmə koo, ete óbo údu. Kətsyə tsya idi lefe nəmfó.

Yesu Ɔtə Wə Bakasebi Kɔfi Fɔfɔ.

³¹ Se Yuda dídu eto kamaa, Yesu átɛyi nkə, “Mómɔɔ, bábesə Utidi Eto Ubi əmə eto diye kato. Nya ɛyɛ lə wə əsuəə, bábesə Onanto eto diye kato. ³² Lə bábesə Onanto eto diye kato ɛyɛ lə Utidi Eto Ubi əmə əsuəə, nyalɛ Onanto ebuləkə Utidi Eto Ubi eto diyənde nə əsuə onkpe ote. Nya wuuyifo nkomə mómɔ mfoti.

³³ “Mə bebi, mensiembusiə lə mi ɔfɔ ɛklɛ bio. Biɔbɛbɛ mɛ, fɛɛ nɛ mi bɔtɛyi mómɔ fe kase mɪntɛyi Yudafo eto beninə léfee miə, ‘Kaka mintɔɔ, biembofo mfó bubə.’

³⁴ “Nya mómɔɔ, nɛ mi kofi fɔfɔ butə. Bela mi bətsyuə! Kase minla mii, mi tsya la mi bətsyuə nko ke. ³⁵ Lə bela bətsyuəə, betidi ba tā ebɔyɛ lə nnya əsuə bate bə mɔ bakasebi bini.”

Yesu Átɛyi Nkə Petro Ɔboni Wə.

³⁶ Simon Petro áto wə nkə, “Bonamute, se fantɔ?”

Yesu ətə wə mbuayɛ nkə, “Kaka mintɔɔ, embofo mɛ butəkəko kɛsu mómɔ. Fɛɛ kamaa, ebutəkəko mɛ əbə mfó.”

³⁷ Petro áto wə nkə, “Bonamute, beso məmbofo fə butəkəko mómɔ kɛsu? Muukpə lə fə disi faa!”

³⁸ Mfó Yesu ətə wə mbuaye nkə, “Ebofo bukprə sitinti lə mɔ disi fɛ? Sitinti, nɛ fə bɔtɛyi miə, fə ukuse luutə kɛnyɛɛ, əbɔni mɛ sityə, fə enyi mɛ kon.”

14

Yesu Ákpe Wə Bakasebi Nke Ale.

¹ Yesu átɛyi mɛ nkə, “Biəntə lə ilə mi lə lɛkɔɛsi. Fɛ kase béfo Onanto bɛnɔɔ, befo mintsya bɛnɔ. ² Lə mɔ Anto eto diyoo, nsiəkɔ kpə kpe. Ntɔ lə nsu nɔ nsiəkɔ ntsyə mi. Nya mɛmbɔtɛyi mi nko, lenni nko ini. ³ Nya lə nsu nɔ nsiəkɔ ntsyə ntə mi nɔsəə, muusinkli mbə nkpa mi nsuko mɔ ɔflɔ, itə bə kaka minkpee, lə mi tsya lə bisia mfó. ⁴ Biyi kusu ko ntɔ lə kaka mintɔ.”

Yesu Ni Kusu Tinti Ko Ɔsuə Baaye Kesu Onanto Ɔflɔ.

⁵ Toma átɛyi wə nkə, “Bonamute, bunyi kaka fantɔ. Nya ntsyə buuyifo bote kusu ko bɔɔyɛ bubə fə aflɔ?”

⁶ Yesu ətə wə mbuaye nkə, “Mɔ ni kusu komə, sitinti siamə ku nkprə bomə. Kuutsyuə saa embubə Anto əmə ɔflɔ lə woanyɛ lə mɛ əsuə.”

⁷ Yesu átɛyi mɛ nkə, “Mɔmɔ əmə bimfi biinyi mɛɛ, bíote mɔ Anto əmə tsya. Nya idu mɔmɔ ɛntɔɔ, bifi biyi wə nya bíkənyə wə tsya.”

⁸ Filipino átɛyi wə nkə, “Bonamute, te bo Anto əmə ete imi bo.”

⁹ Yesu átɛyi wə nkə, “Filipo, kokooko əmə minkpe mi lə ɔflɔɔ, ete binyi mɛ tɔ? Nwə ke díkənyə mɛɛ, ənyə mɔ Anto əmə tsya nɛ. Ntsyə eso fanlɛ bɔtɛyi fənkə, ‘Te bo Anto əmə?’

¹⁰ Filipo, nyale ámamfo áno fá nkpe læ Anto əmə əsuə nya wuntsya nkpe læ mɛ? Etiki nnya mínteyi mii, mentsyi mə kosate ɔflo. Anto wə nkpe læ mɛɛ, leeyifo wə kosate eto keyifo. ¹¹ Befo mɛ bɛno læ nteyi mi minkə, nkpe læ Anto əmə əsuə, nya wuntsya nkpe læ mɛ. Lə biamfo bɛno, befo bɛno læ ayanisa nnya meeyifo mate eso. ¹² Nlɛ mi bɔteyi sitinti minkə, nwə ke léfo mɛ ɔno, ebuyifo asa nnya meeyifo. Sitinti, wuuyifo asa nnya nso nko kulaa tsya, itsyise nto lo mə Anto əmə ɔflo. ¹³ Nya muuyifo lesa saa nə ke bɛto læ mə diye əsuə ntə mi, bə læ babesə Anto əmə eto diye kato eyɛ læ Ubi əmə əsuə. ¹⁴ Lə bɛto lesa saa læ mə diye əsuə, muuyifo ni ntə mi.”

Yesu Áteyi Wə Bakasebi Nkə Wuutə Mə Lɛwɔno Kenkɛ.

¹⁵ Yesu esi ɔteyi nkə, “Lə biala mɛɛ, biutsyue mə afi koto. ¹⁶ Mɔɔto Anto əmə læ utə mi ɔwunsəkotsyuə bamba wə luusiə ko mi lefe saa. ¹⁷ Wə ni Lɛwɔno nə lələkə sitinti læ Onanto əsuə kate. Fɛɛ kawunsiə eto betidi əmbofo wə bunyə fɛ læ besu bətsyə wə lekpo. Fɛɛ mii, biyi Lɛwɔno nəmə itsyise usi ko mi nya onkpe læ mi əsuə.

¹⁸ “Lɛ ndu læ mi ɔflo, memoonyani mi mate ntsyə fe bakəbebi. Bomu muusinkli mbə mi ɔflo. ¹⁹ Lə lefe kliminti əsuə, kawunsiə eto betidi ensiembunyə mɛ. Fɛɛ mi ebunyə mɛ. Nya se minsi nkpe eso, mi tsya ebusiə nkpe. ²⁰ Lə lefe nəmfóo, biunyə bitsyə lekpo biə nkpe læ Anto əmə əsuə, nya mi tsya nkpe læ mɛ, fe kase mintsya nkpe læ mi əsuə.

21 “Utsyuə saa wə laafo mo afi nya woeyifo lə nnya əsuə, wə ni nwə laala mɛ nɛ. Mo Anto ebola nwə laala mɛ. Nya mintsya loola wə nya muuləkə mo əsuə nte wə.”

22 Nya Yuda, wə lenni Iskariot, lɛto Yesu nkə, “Bonamute, ntsyə fɛ ini bo mate ete fuuləkə əsuə ate, nya fəmbuləkə əsuə ate kawunsiə eto betidi?”

23 Mfó nya Yesu dítə wə mbuayɛ nkə, “Utsyuə saa ke laala mɛɛ, wuutsyue ditiki nə maate koto, nya mo Anto loola wə. Nya mo ku mo Anto əmə luubə bɔsɔnɔ wə, busiə wə lə ɔflo. 24 Utsyuə saa ke laanla mɛɛ, entsyue mo asatete koto. Nya asatete nnya bikanɔɔ, enni mo kosate eto ale. Bomu mo Anto wə létsyese mɛ eto ale ini.

25 “Mbɔtɛyi mi nyamfo kenke lə lefe minsi minke mi lə ɔflo. 26 Lɛwɔnɔ Kenke nə ni ɔwunsəkotsyuə wə Onanto lootseyese lə mo diye əsuəə, ebote mi lesa saa nya wooklomasə mi lesa saa nə míntɛyi mi.

27 “Diyuə lə disiəko mi. Nya mo diyuə mimfi minle mi butə. Inni lə kase kawunsiə eto betidi ləətə. Biəntə lə ilə mi lə ləkɔəsi. Nya biante sikpi. 28 Bɛnɔ se míntɛyi mi miə, ‘Nlɛ budu lə mi ɔflo, nya muusinkli mbə mi ɔflo.’ Lə nnya ete biala mɛɛ, eni biunyə disuəyuə bə ndu ntɔ lə Anto əmə ɔflo. Itsyise ɔmo oso mɛ. 29 Mbɔtɛyi mi nyamfo momo fɛ lə ibə ibə, bə lə ibə ibə itə, lə befo bɛnɔ. 30 Mensiembofo mi etiki budinko kaklɛ itsyise kawunsiə kamfo eto oka lɛ bubə. Umbə əsuəale lə mɛ əsuə. 31 Fɛɛ ele bə kawunsiə te nkə maala Anto əmə, nyaso meeyifo lə kase ɔtɛyi mɛ nkə nyifo.

“Mómóó, bibə lə budu mfo.”

15

Yesu Ni Kudiyi Tinti Komə.

¹ “Mó ni kudiyi tinti komə, nya mó Anto ni kudiyi komə eto ókuemfo əmə. ² Waala mó kale ka laannwó kələkə lə mɛ əsuə nya nka laannwó ebibii, waaló ke əsuə lə kase ufiebi lóóó okpo ke bə lə kafo bənwó kukónó. ³ Mimii, bóóó mi əsuə bətsyə koko tsya, ɛyɛ lə asa nnya mínte mi eso. ⁴ Bəkó lə mɛ lə mintsya lə nyifo lóni ku mi. Kuyi eto ólɛ əmbofo bənwó lə wə mate əsuə, woofó bənwó lə ólɛ əmə akó lə kuyi komə əsuə. Nko ke biembofo ebibi bənwó lə biankó lə mɛ əsuə nɛ.

⁵ “Mó ni kudiyi komə nɛ, nya mi ni ko kale. Utidi wə ke ləkó lə mɛɛ, nya mintsya ləkó ku wəə, ɛbənwó ebibi kpə. Itsyise biembofo kulesa buyifo lə mimbə lə mi. ⁶ Futsyə ke dimankó ku mɛɛ, booto wə bakpe fe uyilɛ nya wookoe ofiani ótoni. Baakpa kale kamfo eto okle kətsyə ditsyu kakpe lə ute katonsə. ⁷ Lə biyifo lóni ku mɛ nya mó etiki tsya nkpe lə mii, bəto lesa saa nə ke lefe itə mi, ete biofo ni. ⁸ Mó Anto eto diyənde ni bə lə bənwó ebibi kpə, nya ɛyɛ lə nyamfo əsuəə, nnya yuuləkə ete bə biyifo mó bakasebi nɛ. ⁹ Maala mi fe kase mó Anto laala mɛ. Nyaso bitə lə mó lelabi lə ləkɛ mi lə əsuə. ¹⁰ Lə bitsyue mó afi kotoo, mó lelabi itə mi ebókó lə mi fe kase mintsya leetsyue mó Anto koto, nya mintsyime lə wə lelabi əsuə lefe saa.

¹¹ “Nlɛ mi asa nyamfo bətsyi bə lə disuəyuə nə nkpe lə mɛɛ, lə ləkɛ mi tsya lə əsuə lɛfló. ¹² Kófi ko minlɛ mi butə ni nkə bela bətsyuə fe kase

maala mi. ¹³ Lelabi nɛ utidi lofo bufi kɛtɛ wɛ bayɛtsyuɛ enso kenke ni bɛnkɛ lɛ ufi wɛ nkpɛ utɛ lɛ mɛ disi. ¹⁴ Lɛ biyifo lɛ mɔ afi ɛsuɛ, ete bɛ biyifo mɔ bayɛtsyuɛ. ¹⁵ Mensiembokpo mi miɛ mɔ beyifoyifo mɔmɔ, itsyise nwɛ leeyifo utidi bamba eto keyifo aante asa nnya wɛ onamute leeyifo. Bomu maakpo mi miɛ mɔ bayɛtsyuɛ. Itsyise asa nnya kenke mɛnɔ mintsyiko mɔ Anto ɔflɔɔ, mbɔtɛyi mi nnya. ¹⁶ Inni mi dɛkɛlɛkɛ mɛ. Bomu mɔ dɛlɛkɛ mi. Nya nlɛkɛ mi miɛ lɛ bisu bɛnwɔ ebibi kpɛ, nya ebibi nnya biɔnwɔɔ, lɛ itsyɛ lefe saa. Itɛ bɛ lesa saa nɛ biɔtɔ Anto lɛ mɔ diye ɛsuɛ, wuutɛ mi ni. ¹⁷ Lɛ nyaso kɔfi ko minlɛ mi butɛ ni nkɛ bela mi bɛtsyuɛ.”

Kawunsiɛ Eto Betidi Eekisi Yesu Eto Bakasebi.

¹⁸ Yesu ɛsukosɛ nkɛ, “Lɛ kawunsiɛ eto betidi eekisi mii, bete biɛ mɔ baka bukisi nko. ¹⁹ Lɛ kawunsiɛ kamfo eto betidi binii, eni boola mi fe mɛ ke. Fɛɛ nlɛkɛ mi ntsyiko kawunsiɛ kamfo eto betidi nti nyaso binsini mɛ bale. Nyamfo eso beekisi mi nɛ. ²⁰ Bekloma ditiki nɛ mɛntɛyi mi minkɛ, ‘Ndomunɛ saa ammɔ kaso wɛ onamute.’ Lɛ betidi ɛnyɛ mɛ lɛ ɛsuɛ, bete biɛ boonyɛ mi tsya lɛ ɛsuɛ. Lɛ bɛtsyue mɔ etiki kotoo, bootsyue mi ale tsya koto. ²¹ Fɛɛ booyifo mi nyamfo kenke lɛ mɔ disi eso, itsyise benyi futsyɛ lɛtsyese mɛ. ²² Lɛ nnya ete mɛmbɛ ntɛyi mɛ kulesaa, eni bɛmbolo mɛ lehua yifoyifo eto dikpi. Fɛɛ mɔmɔɔ, bɛyifo lehua nya taflatsyɛ saa ensibɛ booto bɛ bɛntɛ. ²³ Utsyuɛ saa wɛ leekisi mɛɛ, eekisi mɔ Anto tsya. ²⁴ Lɛ nnya ete mɛnyifo keyifo ka kuutsyuɛ saa dɛmenyifo tɔ ɛnyɛ lɛ mɛ

ntii, eni bəmbolo mə lebua yifoyifo eto dikpi. Fεε bənyə asa nnya mínyifo, tsyaa bale mə ku mə Anto kenke bukisi. ²⁵ Ele bə nyamfo bə itə nko bə lesa nə b́awóni b́ákpe lə mə kɔfi eto kukue əsuə, lə ibə itə nko bə, 'Bukisi bimba ete békisi mε.'

²⁶ "Lə nyasoo, mootsyese mi Ləwónɔ Kenke nə ni Ɔwunsəkotsyuə itsyi lə Onanto ɔflo. Wə luuləkə sitinti lə Onanto əsuə ote. Lefe nə utsyi Anto əmə ɔflo ubəə, wuudi adansiə lə mε əsuə utə mi. ²⁷ Mi tsya badansiə biudi bitə mε, itsyise bekpe lə mə ɔflo idu taa kasɔ ketsyikokɔ ke.

16

¹ "Ntəyi mi etiki nyamfo kenke bə lə betidi lə bayε butə lə ani lə elo mi lə mi bofokanɔ əsuə. ² Booləkə mi lə mə nti lə katsyakɔ, nya lefe ebubə nə lə utsyuə lε mi bolo tsyaa, wuubu nkə ɔle Onanto busumu lə nnya əsuə. ³ Betidi ebuyifo mi nyamfo eto okle, itsyise benyi mε nye Anto əmə tsya. ⁴ Bomu mbɔtəyi mi nyamfo ntənsə bə lə lefe nəmə áyo bə beyifo nnya nkoo, lə bekloma biə ntəyi mi nnya nko.

"Mántəyi mi nyamfo lə kasɔ ketsyikokɔ itsyise nke mi lə ɔflo lefe nəmfɔ. ⁵ Fε mómɔɔ, ntɔ lə nwə létsyese mε ɔflo. Fεε mi kuutsyuə saa anle mε bɔtɔ nkə sieti mintɔ. ⁶ Nya se míntəyi mi nyamfoo, mi ketu eyi ku nkuenlo. ⁷ Fεε nle mi bɔtəyi sitinti minkə, elεke itə mi bə ndu lə mi ɔflo. Itsyise lə mensuu, Ɔwunsəkotsyuə əmə embubə mi ɔflo. Fεε lə nsuu, mootsyese wə mi. ⁸ Nya lə ubəə, wuuləkə ote kawunsiə eto betidi ekpa wue bate bə b́anya kusu lə lesa nə ni lebua

ku lesa nə ni kasεε yifoyifo ku lesa nə ni Onanto eto lekpo kpokpo. ⁹ Bembote lesa nə ni lebua itsyise bāmfo mε bánɔ eso. ¹⁰ Nya boonyə bətsyə lekpo se banyε lə kusu sεε komə əsuə, itsyise ntɔ lə Anto əmə oflɔ nya biensiembunyə mε bio. ¹¹ Nya bebote lesa nə ni lekpo kpokpo itsyise Onanto ébolo kawunsiə kamfo eto əsuəalenyə əmə dikpi koko.

¹² “Asa kpə si ekpe nnya ele bə ntɛyi mi. Fεε yooso mi butsyi mɔmɔ. ¹³ Fεε lefe nə Lɛwɔnɔ nə ləələkə sitinti lə Onanto əsuə kate əbəə, diutə bete sitinti siamə kenke itsyi lə Onanto oflɔ. Nya wəəmbɔtɛyi kulesa lə wə əsuəale əsuə. Bomu wɔtɛyi mi lesa nə waanɔ ku nnya ləəbə bubə. ¹⁴ Wuutə babesə mɔ diye kato itsyise wuuləkə lesa nə ófo utsyiko mɔ oflɔ ote mi. ¹⁵ Lesa saa nə ni Anto əmə eto lelee, eyifo mɔ lele. Nyaso mɔntɛyi mi minkə Lɛwɔnɔ nəmə ebufi lesa nə mintə wə ubə ote mi.”

Bakasebi Bamə Eto Nkuenlo Ebofiani Disuəyua.

¹⁶ Yesu esi ótɛyi nkə, “Ibu sεkε biensiembunyə mε bio, nya lə lefe sεkε kama bisi biunyə mε.”

¹⁷ Mfó nya wə bakasebi bətsyuə lɛto mə bətsyuə bənkə, “Nya ótɛyi mfo eto kasɔ nkpə? Ótɛyi bo nkə, Ibu sεkε boensi embunyə wə bio. Nya sεkε tsya lə nnya kamaa, busi buunyə wə. Nya usi ótɛyi bo tsya nkə, ‘Itsyise ntɔ lə Anto əmə oflɔ.’ ¹⁸ Nnya ótɛyi nkə, ‘Ibu sεkε,’ eto kasɔ ni be? Bóannɔ lesa nə ɔnlɛ bɔtɛyi eto kasɔ!”

¹⁹ Yesu áte nkə etiki ətsyuə kpe bála lə batɔ wə. Nyaso ótɛyi mə nkə, “Ntɛyi minkə ibu sεkε

biensi embunyə mə bio, nya səkə lə nnya kamaa, bisi biunyə mə bio. Etiki nyamfo bənle bələ kabe lə mi bətsyuə nti lee? ²⁰ Sitinti minlə mi bətəyi minkə biuwi kaminsəku, biləkə binəntu. Fəe kawunsiə eto betidi luunyə disuəyuə. Nya mii, nkuenlo ebumuə mi, fəe mi nkuenlo bomə ebofiani disuəyuə. ²¹ Lə usio labe kolee, woakə lə bulə əsuə itsyise ɔlə kanyi bunyə. Fəe lə ɔle ubi əmə ɔlosəə, woata kanyi ka ɔnyə əsuə, itsyise wəənyə disuəyuə nkə ɔle ubi ɔkpe lə kawunsiə. ²² Nko seka inte itə mi tsya nɛ. Mɔmɔɔ, bekpe lə nkuenlo əsuə. Fəe muunyə mi bio. Nya disuəyuə luuyi mi akɔəsi kenke, disuəyuə nə eto okle kuutsyuə saa ləmbəfo bofo ketsyiko mi ani kulefe.

²³ “Lə diyi nəmə ayoo, biembɔtɔ mə kulesa. Itsyise nlə mi bətəyi sitinti miə lesa nə ke biɔtɔ mɔ Anto lə mɔ diye əsuəə, wuufi ni utə mi. ²⁴ Ibə ese mɔmɔɔ, bíantɔ tɔ kulesa lə mɔ diye əsuə. Bɛtɔ ete lə utə mi lə mi disuəyuə lə lɛflɔ lelo.

²⁵ “Ndi mi etiki ɛye lə akpa əsuə. Fəe lefe ebubə nə mensiembudi mi etiki nyenko lə akpa əsuə. Bomu muudi mi etiki wuee itsyi lə Anto əmə əsuə. ²⁶ Lə lefe nəmə ayoo, bɛtɔ wə asa lə mɔ diye əsuə. Minlə bətəyi miə mɔɔ, mɔɔtɔ nte mi. ²⁷ Itsyise Anto əmə kosate aala mi. Waala mi itsyise mi tsya aala mə, nya bəfo bɛnɔ biə Onantɔ ɔflɔ mintsyi mímbə. ²⁸ Sitintii, Anto əmə ɔflɔ mintsyi mímbə kawunsiə, nya mɔmɔ nsi nlə budu lə kawunsiə kesu Anto əmə ɔflɔ.”

²⁹ Nya wə bakasebi lətəyi wə nkə, “Mɔmɔɔ, efe alɛ etiki budi kakpasə wuee, insini lə akpa əsuə.

³⁰ Mfe ko bote boə eyi lesa saa, nya yensife bə

kuutsyuə saa si ɔtɔ fə etiki eto kasɔ. Nyamfo mate ətə bofo bɔnɔ boə Onanto ɔflo fétsyi.”

³¹ Mfó Yesu letɔ mə nkə, “Mɔmɔ alɛ befo bɛnɔ? ³² Lefe lɛ bubə, nya díubə tsya lélo nə boosensə mi nya utsyuə saa luusu wə umə beyani mɔ mate bitsyə. Fɛɛ lə sitintii, yembuyifo mɔ mate. Itsyise Anto əmə si ko mɛ. ³³ Ntɛyi mi nyamfo lə binyə diyuə se biyifo lɔni ku mɛ eso. Kawunsiə eto betidi ebutə binyə kanyi. Fɛɛ biɲyə keklege! Itsyise mbutəkə kawunsiə kamfo kato!”

17

Yesu Áto Ola.

¹ Se Yesu létɛyi mə nyamfo ólosə, óbesə ənəmi kato nya ɔtɛyi nkə, “Nto, lefe nəmə éboyo. Besə fə Ubi eto diye kato bə lə fə Ubi tsya lə obesə fə diye kato. ² Itsyise éfi əsuəale kenke ətə wə lə kawunsiə eto betidi kenke əsuə bə mba kenke féfi fətə wə, lə utə mə nkɔpə manlo. ³ Nya nkɔpə manlo ni bə lə betidi lə bate fə, fə nwə hã mate ni Onanto kosate əmə nya lə bate Yesu Kristo wə fátsyese. ⁴ Mbesə fə diye kato nte lə betidi nti. Nya mínyifo keyifo ka fákpe mɛ lə kɔni fə nyifo lə kawunsiə mínlosə. ⁵ Mɔmɔɔ, Nto, besə fə Ubi eto diyənde kato lə fə ənəmi, diyənde nə əsuə mínke ku fə fɛ béyifo kawunsiə.

Yesu Áto Ola Lə Wə Bakasebi Eto Disi.

⁶ “Ntə miə mba fələkə fətə mɛ lə kawunsiə eto betidi ntii, te fə. Fə bale beni nya féfi mə fətə mɛ nya bétsyue fə ditiki koto. ⁷ Nya mɔmɔɔ, beyi bə lesa saa nə féfi fətə mɛɛ, etsyi fə ɔflo. ⁸ Mfi kenye ka fətə mɛ fə nsu ntɛyi mə nsuko mə nya báfo ke.

Nya beyi sitinti bæ fə ɔflo mintsyi, nya fə ni nwə létsyese mɛ. ⁹ Nlɛ ola boto læ mə disi, minlɛ ola boto læ kawunsiə eto betidi kenke eto disi. Bomu læ mba féfi fətə mɛ eto disi, itsyise fə kosate eto bale beni.

¹⁰ “Mba kenke ni mɔ bale eyifo fə bale, nko ke fə bale tsya diyifo mɔ bale nɛ. Nya mɔ diyənde lébe kato ɛyɛ læ mə əsuə. ¹¹ Mɔmɔɔ, nlɛ fə ɔflo bubə. Minsibə læ kawunsiə mfo. Fɛɛ məə, besi bakpe læ ke. Anto Kɛnkɛ, fə kosate fi fə diye eto əsuəale nnya fətə mɛ abe mə bæ læ beyifo bani fe kase bɔ ku fə diyifo bani. ¹² Lefe nə mínkɛ læ mə ɔflo, nlɛ mə wɛkɛkɛkɛkɛ nya mínse mə ɛyɛ læ diye nə fətə mɛ əsuə. Nse mə, itə bæ kuutsyuə saa mánnya læ mə nti, enso utidi wə ele bæ onya kokooko, bæ læ nnya báwɔni bákpe læ Awɔnisa Kɛnkɛ eto Kukue əsuə læ ibə itə.

¹³ “Nya mɔmɔɔ, nlɛ fə ɔflo bubə. Nteyi nyamfo læ kawunsiə bæ læ mə tsya læ beyi kenke læ mə akɔəsi ku mɔ disuəyuə nə minlɛ bunyə. ¹⁴ Mbe fə ditiki nəmə letsya ntə mə, nya benni kawunsiə kamə eto bale fe kase mintsya lenni kawunsiə kamfo eto ole ke. Lə nyasoo, kawunsiə kamə eekisi mə.

¹⁵ “Minlɛ bɔtɔ miə ləkə mə læ kawunsiə kamə. Bomu nlɛ bɔtɔ miə læ ase mə, ələkə mə etsyiko Obuale əmə eto ani. ¹⁶ Fe kase minni kawunsiə kamfo eto olee, nko ke mə tsya lenni kawunsiə kamfo eto bale nɛ. ¹⁷ Yifo mə kɛnkɛ læ sitinti siamə əsuə, itsyise fə ditiki nəmə eyifo sitinti. ¹⁸ Ntsyese mə kawunsiə fe kase fintsyə létsyese mɛ kawunsiə seka. ¹⁹ Lə mə esoo, nyifo mɔ əsuə kɛnkɛ ntə fə, bæ læ mə tsya læ beyifo kɛnkɛ læ sitinti siamə əsuə.

Yesu Áto Ola Lə Bafokanɔfɔ Kenke Eto Disi.

²⁰ “Minle nyamfo bɔtɔ kətə mə mate, bomu nle bɔtɔ kətə mba kenke lofo mə banɔ eye lə fə Ditiki Sɛɛ nəmə mə bɔtɔyei əsuə. ²¹ Anto, nle bɔtɔ miə lə ətə bə lə beyifo bani fe kase fankpe lə mə nya mintsya nkpe lə fə əsuə. Tə lə beyifo bani ku bə bə lə kawunsiə eto betidi lə bafo banɔ bə fə uni létsyese mə.

²² “Ntə mə diyənde nə eto okle ke fətə bə lə məmble lə beyifo bani fe kase bo fə diyifo bani.

²³ Nkpe lə mə, nya fintsya nkpe lə mə. Tə lə beyifo bani kenke bə lə kawunsiə eto betidi lə bate bə fə létsyese mə nya faala mə fe kase faala mə.

²⁴ “Anto, nla miə mba féfi fətə mə lə bəsiə mə lə ɔfɔ lə kaka minsi bə lə bənyə mɔ diyənde, diyənde nə fətə mə itsyise ála mə fe béyifo kawunsiə.

²⁵ “Anto Sɛɛ, kawunsiə eto betidi enyi fə, fɛɛ mɔ yi fə nya mba mfo tsya yi bə fə létsyese mə.

²⁶ Ntə báte fə wuee, nya muutə besi bate fə eso nko, bə lə lelabi nə féfi fətə mə, lə leke lə mə nya lə mintsya lə nke lə mə.”

18

Yudaɔfɔ Əmuə Yesu.

¹ Se Yesu léto ola əmfo ólosəə, wə ku wə bakasebi édu mfó nya báye lə Kidron eto utukplo bésu kaka nnuɛbi eto eyi eto ɔkuɛ kəkɛ utsyuə leke. Nya Yesu ku wə bakasebi dídufə mfó.

² Yuda wə dídu wə utəə, áte mfó itsyise lefe kpəə, Yesu ku wə bakasebi ála disi busu kakpe mfó. ³ Nyasoo, Yuda áyenko Romaɔ

eto bamamanyə ku mba laase Disumuyo eto betsyuə, ba besumunyə ninə ku Farisifo létsyese nya ókpa mə úsuko ɔkue kɛkɛ əmə. Bétsyi bemakə ku kakandɛ ku atɛ.

⁴ Se Yesu léte asa nnya kenke læəbə wə bubə læ əsuə esoo, óbɔ úbə ótsyako mə nya ótɔ mə nkə, “Owoe bɛnlɛ bɔbɛbɛ?”

⁵ Bətə mbuayɛ bənkə, “Yesu Nasaretnyə əmə.”

Ɔtɛyi mə nkə, “Nyə mə ni wə mfo.” Yuda wə dídu wə útə tsya n̄yə mə lenti. ⁶ Lefe nə Yesu dítə mə mbuayɛ nkə, “Nyə mə ni wə mfoo,” bésinkli kama kama nya bédu bánɔ.

⁷ Usi ótɔ mə nkə, “Owoe bɛnlɛ bɔbɛbɛ?”

Bətə mbuayɛ bənkə, “Yesu Nasaretnyə əmə.”

⁸ Mfó nya Yesu letɛyi mə nkə, “Mótɛyi mi koko minkə, nyə mə ni wə mfoo. Nyaso læ mə uni bɛnlɛ bɔbɛbɛɛ, bitə læ mbamfo læ bedu.” ⁹ Ɔtɛyi nyamfo nko, bə læ lesa nə úkatɛyi kokoo, læ ibə itə sitinti nkə, “Nto, mányansə mba féfi fətə mɛ eto lɛ ɔni læ mənti.”

¹⁰ Mfó Simon Petro dínə kalande nə untsyi úləkə læ akpatsya, nya ówe Usumunyə Ninə Kenke eto uyifoyifo eto kodianito úfə. Ndo-munyə əmə eto diye ni Malko.

¹¹ Fɛɛ Yesu átɛyi Petro nkə, “Fi fə kalande kamə akpe læ akpatsya kafɔ! Bubu febu fə yanle bə nnə lesa nə nkpe læ kanyi eto lɛkɔbɛ nə mə Anto dítə mɛ?”

Yudafɔ Ákpa Yesu Bésuko Annas Ɔflɔ.

¹² Nyamfo eto kamaa, Romafɔ eto bamamanyə eto ditsyukpa ku mə ɔtɔnkɔtɔnko ku Yudafɔ eto batɔnkpe bətsyuə əmuə Yesu læ əsuəale əsuə bákɛ. ¹³ Tutɛɛ, bákpa wə bésuko Annas ɔflɔ.

Annas əmfə eyifo Kayafa eto usiəanto. Nya Kayafa əmfə ni Usumunyə Ninə Kenke wə díyifo kesumu eto keyifo lələ itə nəmfó. ¹⁴ Kayafa əmfə ni nwə lələ Yudafo eto beninə kələ nkə eləkə eso bə utidi ɔni kpə lə betidi ba tā eto kənyɛ.

Petro Áteyi Nkə Únyi Yesu.

¹⁵ Simon Petro ku okasebi bamba ətəkəko Yesu kama. Okasebi bamba əmfə eyifo Usumunyə Ninə Kenke eto utidiyi, nyaso wə dítəkəko Yesu bésu Usumunyə Ninə Kenke eto diyo, ¹⁶ Fɛɛ Petroo, ənyə lə kesie. Okasebi bamba əmə ésinkli úbə údi etiki ku usiobi wə dínyə lə kesie kənyɛ mfó, nya útə nkə Petro tsya dufə lə diyo nəmə kafo.

¹⁷ Mfó nya usiobi əmə létə Petro nkə, “Fintsya, osani əmfə eto bakasebi eto ɔni fenii, lee?”

Mfó Petro díte mbuayɛ nkə, “Owo, minni!”

¹⁸ Nya se ləyɔ nle mə esoo, beyifobi ku mba laase mfó átsyaka ute nya bənyə banle bəyifə. Nya Petro tsya lenyi úsu únyə lə mə ɔflo mfó ɔnle ute əmə bəyifə.

¹⁹ Lefe nəmfóo, Usumunyə Ninə Kenke ákato Yesu asa itsyi lə wə bakasebi ku asa nnya waate əsuə.

²⁰ Yesu ətə mbuayɛ nkə, “Meedi betidi ba tā etiki lə obia lə kusə komə kenke eto ənəmi lefe saa. Maate asa lə Disumuyo ku lə ntsyakə kaka Yudafo kenke ləəbə katsya. Méndi etiki saa kulefe lə kabiəkə. ²¹ Nya besə ini mə fanle etiki nyamfo bəto? Tə betidi bamfo lesa nə mínteyi mə. Beyi ləsanə mínteyi.”

²² Se Yesu ləteyi nyamfo, mba laase mfó eto ɔni ko ləso wə lə kotosi nya óto Yesu nkə, “Ntsyə

feebu fe feedi Usumunyə Ninə Kenke əmə etiki nko?”

²³ Yesu ətə wə mbuayə nkə, “Lə ndi etiki bua ətsyuəə, tɛyi utsyuə saa mfo lə ɔnɔ lesa nə ini. Fɛɛ lə méndi etiki bua saa, beso fásɔ mə?”

²⁴ Mfó nya Annas dífi Yesu wə disɔ ɔkɛ lə bokle lə ukuə əsuəə, ótsyese Usumunyə Ninə Kenke Kayafa ɔflo.

Petro Esi Ɔni Yesu.

²⁵ Lefe nəmfó, Simon Petro si uɲyə mfó ɔlə ute bɔyifə. Nyaso bafɛfɛ ba dínyə mfó lɛtɔ wə bənkə, “Fintsya, ini osani əmə eto bakasebi eto ɔni fenii, lee?”

Mfó Petro áni nya ótɛyi nkə, “Owo lo, minni mə ɔni!”

²⁶ Mfó nya Usumunyə Ninə Kenke eto ndomunyə ɔni eto ɔyimi wə eto koto Petro léwe lɛtɔ wə nkə, “Inni fə uni mínyə lə ɔkue mfó lee?”

²⁷ Petro esi útudi kenye ótɛyi nkə, “Owo lo!” Lamfolamfoo, nya ukuse díta kenye.

Bákpa Yesu Bésuko Pilato Ɔflo.

²⁸ Olesianto əmfó, bákpa Yesu lə Kayafa eto diyo bésuko Romafɔ eto Aba eto Unyɛsiə eto kəsiakɔ. Fɛɛ Yudaɔ bamə méndufə mfó, itsyise bánla bə bakpe mə əsuə kɔfɔ fɛ lə bedi Ukpə Ása Bo Ɔyila eto Diyisɛɛ nəmə. ²⁹ Lə nyamfo esoo, Pilato ábɔ úbə ótsyako mə lə kesie kenye mfó, nya ótɔ mə nkə, “Nte kabua ka osani əmfó díyifo?”

³⁰ Bətə wə mbuayə bənkə, “Lenni kabua kplɛ kukətsyuə úyifo, eni boəmbokpa wə boboko fə ɔflo.”

³¹ Nyaso Pilato átɛyi mə nkə, “Nyale bekpa wə bisuko læ mi kosate læ bisu bekponko wə lekpo læ mi kosate eto afi əsuə.”

Bətə mbuayɛ bənkə, “Bəntə bo kusu bənkə bokponko kuutsyuə saa lekpo bolo wə dikpənkpi.” ³² Asa nyamfo əbə nko bə læ lesa nə Yesu lɛtɛyi itsyi læ ukpə wə eto okle wəəbə bukpə læ ibə itə nko sitinti.

³³ Mfó nya Pilato dísinkli úsu údufə wə lekanyo mfó, nya ókpadi Yesu ótə wə nkə, “Fə ni Yudafə eto Oka əmə?”

³⁴ Yesu ətə wə mbuayɛ ótə wə nkə, “Fə kosate ete nɛ mɛ etiki nyamfo bətə lee, betidi bamba lɛtɛyi fə nko itsyi læ mɛ əsuə?”

³⁵ Pilato ətə mbuayɛ nkə, “Ebu fə Yudanyə mini? Mi kosate eto betidi ku besumunyə ninə dífi fə bákpe mɛ læ kəni. Be féyifo?”

³⁶ Yesu ətə mbuayɛ nkə, “Mə sekakedikə mentsyi kasə mfo. Lə nya ete mə sekakedikə dítsyi kasə mfo ini, eni mə batənkpe ebota mɛ disibələkə mɛ betsyiko Yudafə eto ani. Fɛɛ mə sekakedikə mentsyi kawunsia mfo.”

³⁷ Se ótɛyi wə nko, Pilato átə wə nkə, “Nyale Oka feni?”

Mfó Yesu lɛtɛyi wə nkə, “Fə nɛ bətɛyi fə Oka mini. Nyamfo eso bale mɛ mímbə kawunsia nɛ, bə læ mbə nləkə sitinti siamə nte. Nya utsyuə saa ke ləətəkəko sitinti siaməə, aanə lesa nə maateyi.”

³⁸ Pilato átə wə nkə, “Nya be ni sitinti siamə?”

Balo Yesu Dikpənkpi.

Se Pilato lɛtɛyi nyamfo ólosəə, úsinkli úsu Yudafə əflə læ lekple nya ótɛyi mə nkə, “Mənnə

kabua saa læ wə əsuə læ nnya eso ele bæ nlo wə dikpi. ³⁹ Fεε læ mi lekpa əsuə, læ éyo Ukpə Ása Bo Ɔyila eto Diyi eto didifee, ele bæ nləkə mba bákpe læ diyo eto ɔni ntə mi. Nyaso bela biə nyani Yudafɔ eto Oka əmə ntə mi?”

⁴⁰ Mfó nya məmble léfã bátɛyi bənkə, “Owo lo! Inni nwə mfo, bomu Baraba!” Nya Baraba əmfo eyifo nwə létaka únyə læ aba əsuə.

19

Pilato Ɔtə Bábɛ Yesu.

¹ Nyaso Pilato ətə bákpa Yesu bédunko nya bábɛ wə fefe ku katambo. ² Nya bamamanyə bamə dífi biyu eto kalɛmɛ béyifo lekpa kpa bėti wə læ disi. Nya bėfi kafia sia bėti wə fe Oka seka. ³ Nya læ bányi bésu wə ɔflo bákətɛyi wə bənkə, “Yuu, yuuduu! Yudafɔ eto Oka o-o!” Nya læ bátɛyi wə nkoo, bákanyi kafi wə kasɔ wə læ atosi.

⁴ Pilato esi óbo úsu sitiditu nəmə ɔflo læ lekple nya ótɛyi mə nkə, “Bebe, mookpa wə mboko mi læ bete biə mənnə kabua saa ka úyifo bæ læ nlo wə dikpənkpi.” ⁵ Nyaso Yesu ábo úbə lekple mfó, ku biyu eto lekpa kpa læ wə disi nya onkpe awusia kəntsɛ. Mfó Pilato átɛyi mə nkə, “Bebe! Nyə utidi əmə nyə mfo!”

⁶ Se besumunyə ninə ku mba laase Disumuyo dínyə wəə, báfa bátɛyi bənkə, “Sɔ wə amanklasə læ uyikabie əsuə! Sɔ wə amanklasə læ uyikabie əsuə!”

Pilato áteyi mə nkə, “Mi kosate kpa wə bisuko, lə bisu bəso wə lə uyikabie əsuə. Mənnyə lebuə saa lə wə əsuə nə eso moolo wə dikpənkpi.”

⁷ Yudafo bamə ətə mbuayε bənkə, “Bokpe kəfi ko léte nkə ele bə ukpə. Itsyise óteyi nkə uyifo Onanto eto Ubi.”

⁸ Lefe nə Pilato leno nnya báteyi mfoo, sikpi esi símuə wə sekpe. ⁹ Usinkli údufə lekayo nəmə nya óto Yesu nkə, “Se fetsyi?” Fεε Yesu məntə wə mbuayε saa. ¹⁰ Pilato áto wə nkə, “Nyale, bəni fani fə embudiko mə etiki? Lee enyi fə nkpe əsuəale mofo butə miə bayani fə nye baso fə lə uyikabie əsuə?”

¹¹ Yesu ətə wə mbuayε nkə, “Eni embokε əsuəale saa lə mə əsuə lenni Onanto díte fə nnya. Nya əmə eso nwə dífi mə ókpe fə lə kəni díyifo lebuə enso fə nə.”

¹² Se Pilato leno nyamfoo, óbεbε kusu nkə eni lə oyani wə. Fεε betidi bamə áfa bembembe báteyi bənkə, “Lə ayani wəə, nyale ensini Romafə eto Okankplε eto oyetsyuə! Utsyuə saa wə dífi wə əsuə úyifo oka, átaka únyə lə Romafə eto Okankplε Kaisare əsuə!”

¹³ Se Pilato leno etiki nyamfoo, ókpa Yesu óbənko nya úsiə lə lekpokpome əsuə lə kaka baakpo bə leba eto kaso nya baakpo bə Gabata lə Hebri eto sele əsuə. ¹⁴ Diyi nəmə éyifo fe kakəmi eto lefosi ənuə eti lə diyi nə eto kəsiasə boodi Ukpə Ása Bo Jyila eto diyi.

Nya Pilato leteyi betidi bamə nkə, “Nyə mi Oka!”

¹⁵ Báfa báteyi bənkə, “Lo wə! Lo wə! So wə lə uyikabie əsuə!”

Pilato áto mə nkə, “Bela biə nsɔ mi oka əmə mmanklasə lə uyikabie əsuə?”

Mfó nya besumunyə ninə dítə wə mbuayɛ benkə, “Bunsibə oka saa enso Romafɔ eto Okankplɛ Kaisare!”

¹⁶ Se bátɛyi wə nkoo, Pilato áyani Yesu útə bamamanyə nkə basɔ wə lə uyikabie əsuə. Nyaso bákpa Yesu bédunko.

Bamamanyə Ásɔ Yesu Bámanklasə Lə Uyikabie Əsuə.

¹⁷ Bətə wə kosate étsyi wə uyi əmə úsu údufu kaka baakpo Ditidisi Ku Kalua. Baakpo mfó lə Hebri eto sele bə Golgata. ¹⁸ Mfó básɔ wə lə uyikabie əsuə. Básɔ betidi inuə bamba tsya lə mə keyikabie bamba əsuə bakɔ ku wə, ɔni lə Yesu eto kəməni nya unuəfə lə wə kodianii.

¹⁹ Pilato áwɔni etiki ətsyuə útə béfi básɔ lə uyi əmə əsuə lə Yesu eto disi kato. Nnya báyɔni ni bə, “Yesu Nasaretnyə, Yudafɔ Eto Oka Əmə.”

²⁰ Yudafɔ kpə ákla etiki nyamfo, itsyise kaka básɔ Yesu bamanklasə lə uyikabie mantsyo ku umənkplɛ əmə. Báyɔni asa nyamə lə Hebri ku Roma ku Griki eto bele əsuə. ²¹ Besumunyə ninə áni etiki nyamfo nya bátɛyi Pilato bənkə, “Manwɔ ni fənkə, ‘Yudafɔ eto Oka,’ bomu wɔni fənkə, ‘Utidi əmfɔ átɛyi nkə, “Mə ni Yudafɔ eto Oka.” ’ ”

²² Mfó Pilato dítə mbuayɛ nkə, “Lesə nə míwɔni, mbɔwɔni nlosə.”

²³ Se bamamanyə bamə lesɔ Yesu lə uyikabie bálɔsə, béfi wə awu nnya ókpe nya bésie nnya lə akpa ana. Nya utsyuə saa dífi lekpa lɔni. Fɛɛ wə awu ani ébu. Awu nyamfoo, bánka nnya

kukalebe saa, bomu budi bédi nnya idu læ simuæ isu ekpo læ akpa eti.

²⁴ Bamamanyæ bamæ áteyi mæ bətsyuæ bənkə, “Boembusie awu nyamfo bətsyuæ. Bomu bitə læ bokpo asa bəse læ bobə futsyuæ luudi læ bufi nnya butə wə.”

Nyamfo əbə itə nko bə nnya bəwəni bəkpe læ Awənisə Kənkə eto Kukue əsuə, əbə itə nko sitinti bə,

“Bésie mə awu bətə bətsyuæ.

Nya bəkpe asa basεε læ mə awu əsuə.”

Nya læ sitinti tsyaa, nko bamamanyæ bamə díyifo nε.

²⁵ Nya mba dínyə læ Yesu eto uyikabie komə oflō ni Yesu eto ambe ku wə ambe eto əyimisio ku Maria wə ni Klopa eto usiə, ku Maria Magdalenyæ. ²⁶ Se Yesu dínyə wə ambe ku wə okasebi wə eto asa waala tinti nyə mfóo, óteyi wə ambe nkə, “Mbe, nnyə fə ubi!”

²⁷ Mfó nya óteyi okasebi əmə tsya nkə, “Nnyə fə ambe.” Nyaso idu læ lefe nəmfóo, okasebi əmə ákpa wə úsuko wə diyo nya óle wə ola.

Yesu Ækpə.

²⁸ Yesu áte nkə mómoo, wóolosə lesa saa nə ele bə uyifo. Nya, bə læ lesa nə bəwəni bəkpe læ Awənisə Kənkə eto Kukue əsuə læ ibə itə nko esoo, Yesu áteyi nkə, “Utukəε læ mε.”

²⁹ Lə mfóo, olotsyi utsyuə ətsyə mfó wə bəyisə ku nte bo dínyənki. Nyaso bəfi sekuayəbo bəkpe læ nte bomə əsuə nya bəfi bəkle læ uyi utsyuə wə baakpo hisopo əsuə bəbesə kato bətəkə wə læ kənye. ³⁰ Se Yesu dínə nte bomə ólosə, óteyi nkə, “Mómoo, yóolo!”

Nya óbokosə wə disi kasə, nya óma kenye.

³¹ Diyi nəmfo eyifo Fida, nya ni kəsiasə eyifo Ɔnwəditsyayi kplɛ itə Yudafə, nyaso bánla bə bekrənkpə kɛ bafaka lə uyikabie əsuə eyo Ɔnwəditsyayi mfó. Nyaso bátɔ Pilato bə utə mə kusu lə besu bəfəsə mə akpa lə bələkə mə betsyiko lə uyikabie əsuə. ³² Itə bamamanyə bamə əbə bəfəsə utidi tutɛ ku nwə nse eto akpa. Mə básɔ báfakasə lə keyikabie əsuə lə Yesu ɔflɔ. ³³ Fɛɛ se báyo Yesu ɔflɔ, bənyə bə wə ébukpə koko. Nyaso bénsifəsə wə akpa. ³⁴ Bomu omamanyə ɔni éfi wə lefle óto wə lə lekpake. Lamfolamfo kɔtɔ ku ntu ko lɛbɔ.

³⁵ Nwə dínyə asa nyamfo, wə dídi nnya adansie bə lə mi tsya lə befo bɛnɔ. Nya nnya óteyi eyifo sitinti. Nya uyi wuee nkə sitinti ini óteyi. ³⁶ Bəyifo nyamfo bə lə nnya nkpe lə Awɔnisa Kenkɛ eto Kukue əsuə lə ibə itə fe kase bəwɔni bənkə, “Lɛ wə dikubi lɔni kulaa tsyaa, bembufəsə ni.” ³⁷ Nya bəwɔni asa bamba bákpe lə Awɔnisa Kenkɛ eto Kukue əsuə tsya nɛ bɔteyi nkə, “Betidi ebotakasə ənəmi babe nwə eto lekpake báse lefle bédunsə.”

Bébikə Yesu.

³⁸ Nyamfo eto kamaa, Yosef wə ditsyi umə wə baakpo Arimatia, əbə ótɔ Pilato nkə lə oyani Yesu eto ɔkɔ utə wə. Yosef əmfo eyifo Yesu eto okasebi utsyuə. Fɛɛ wóanla nkə betidi te, itsyise úkate Yudafə eto beninə sikpi eso. Pilato átɔnɔ útə wə. Nyaso Yosef əbə ófo ɔkɔ əmə údunko. ³⁹ Nikodemo wə lɛbiɔ úsu Yesu ɔflɔ ketsye kani tsya ətəkəko Yosef əmfo. Útsyi afa nnya befi

kalɔ ɔkɔ itə busu kebikə, fe uyudu ku afa nnya laanyi fififi baakpo bə alɔɛ, nya nyamblɛ eto kalende eboyo kilo awosi ətsyə, úsuko. ⁴⁰ Betidi inuə bamfo éfi afa nyamfo bédiki Yesu eto ɔkɔ əmə lə əsuə nya bəfi kafia flubia ka lefo koya bémli wə lə əsuə fe kase Yudafo díkalɔ ɔkɔ itə bubikə. ⁴¹ Nya ɔkɔɛ kəkɛ utsyuə akɛ lə kaka bálo Yesu ɔflo. Nya lə mfó, béku kudi fɔfɔ ko kafo bembikətɔ kuutsyuə bənyə. ⁴² Se diyi nəmfo eto kəsiasə luudi Ɔnwéditsyayi nya kudi komə tsya ləfi mfó esoo, bəfi Yesu eto ɔkɔ əmə bəsu bəbikə mfó.

20

Bakasebi Bamə Ɔnyə Bə Kudi Komə Tə Kefufu.

¹ Kɔsida eto kolensiantɔ se kale dímənsiə tɔ kaloo, Maria Magdalene əsu kudi komə ɔflo nya únyə nkə báminansə leba nə diti lə kudi komə kɛnyɛ mfó. ² Nyaso útsyetsyi úsu Simon Petro ku okasebi wə Yesu laala ɔflo. Nya ɔtɛyi mə nkə, “Bətsyə əbə bətsyi Bonamute bédunko lə kudi komə kafo. Nya bunyi kaka bətsyi wə bəsu bətsyə!”

³ Mfó nya Petro ku okasebi ɔni əmə dídu bə beesu kudi komə ɔflo. ⁴ Mə inuə bamə étsyetsyi batɔ, fɛɛ okasebi əmə áfe Petro nya oka wə kudi komə ɔflo mfó budufə. ⁵ Úbə kasɔ útsyue ənəmi óbe kudi komə kafo. Únyə mfia flubia bomə, fɛɛ wéndufə ko kafo. ⁶ Simon Petro wə dítəkə kama ubə, áyɛ údufə kudi komə kafo nya únyə se mfia flubia bomə nkpo lə kudi kafo lə kasɔ mfó. ⁷ Fɛɛ bəfi kafia ka bəfi bákɛ Yesu disí bətsyə lete, ke mánkɔ ku mfia flubia fɛfɛ bomə. Bəkənə

ke bətsyə lete. ⁸ Mfó nya okasebi wə leka kudi komə oflɔ búdufə tsya dídufə ko kafo. Únyə asa nyamə, nya ófo óno. ⁹ Tsya, fɛɛ bǎnnɔ tɔ kasɔ nnya Awɔnisa Kɛnkɛ lɛtɛyi nkə ele bə Yesu taka utsyi ɔkɔmə ubə nkpə.

Yesu Ɛlɛkə Ɛsuə Óte Maria Magdalene.

¹⁰ Nyamfo eto kama nya bakasebi bamə dísinkli bésu oto. ¹¹ Fɛɛ Maria əbə únyə lə kudi komə oflɔ kewi keku. Nya lefe nə únyə mfó ɔnlɛ keku buwii, usi úbə kasɔ óbe kudi komə kafo. ¹² Mfó únyə Onanto eto batɔnkpe inuə ba nlɛ mfiə flubia bensi lə kafo mfó. Ɔni si lə kaka Yesu eto disí dítsyə nya unuəfə nsi lə wə akpa eti.

¹³ Bǎtɔ wə bə, “Boambe, beso fanlɛ keku buwi?”

Mfó nya Maria tsya díte mbuayɛ nkə, “Bətsyə əbə bətsyi mɔ Onamute bedunko, nya mante kaka bətsyi wə besuko!” ¹⁴ Lamfolamfo se ótsyi ɔwuninsə, únyə se Yesu nyə mfó. Fɛɛ woante nkə Yesu uni.

¹⁵ Mfó Yesu lɛtɔ wə nkə, “Boambe, beso fanlɛ keku buwi? Owɔe fanlɛ bəbɛbɛ?”

Fɛɛ úbu nkə, nwə laabe mfó uni, nyaso ótɛyi wə nkə, “Boanto, lə fə uni dítsyi wə féduko, nyalɛ tɛyi mɛ kaka fétsyi wə fésuko lə nsu ntsyi wə ndunko.”

¹⁶ Nya Yesu lékpadi wə nkə, “Maria!”

Ɔtsyi ɔwuninsə útə ənəmi Yesu nya ókpadi wə lə Hebri eto sele əsuə nkə, “Rabuni!” Eto kasɔ ni Oteasa.

¹⁷ Mfó Yesu lɛtɛyi wə nkə, “Sinkli aye mɛ butidi eto, itsyise ménsinkli tɔ nsu Anto əmə oflɔ kato. Bomu du esu atɛyi mɔ bayimi fə nsinkli ntɔ lə

nwə ni mɔ Anto ku mə Anto, mɔ Onanto ku mə Onanto ɔflo.”

¹⁸ Nyasoo, Maria Magdalenyə ɛsu ɔteyi bakasebi bamə nkə únyə Bonamute əmə nya ɔteyi mə asa nnya Yesu leteyi wə.

Yesu Ɛləkə Ɛsuə Óte Wə Bakasebi.

¹⁹ Kɔsida komə eto ditsyitsyo lefee, bakasebi bamə ákɔ besi læ diyo nya bėti mə əsuə bákpe keklege, se banle Yudafo eto beninə sikpi bote eso. Nya Yesu díbə unyə læ mə ntinti, nya ɔteyi mə nkə, “Diyuə læ disiako mi.” ²⁰ Se ɔteyi nyamfo ólosə, úfi wə ani ku lekpaake óte mə. Ɛsuə əyuə bakasebi bamə se bənyə Bonamute əmə eso.

²¹ Nnya kamaa, Yesu esi ɔteyi mə nkə, “Diyuə læ disiako mi. Fe kase Anto əmə létsyese mɛɛ, nko ke mintsya nle mi botsyese nɛ.” ²² Se ɔteyi nyamfo ólosə, ɔwula ókpo læ mə nya ɔteyi mə nkə, “Befo Lewɔnɔ Kenke nəmə. ²³ Lə bifi betidi eto abua betsyɛ məə, Onanto éfi nnya ɔtsyɛ mə, fɛɛ mba eto abua beni bufi katsyɛɛ, Onanto tsya mémfi nnya ɔtsyɛ mə.”

Yesu Ɛləkə Ɛsuə Ote Toma.

²⁴ Lefe nə Yesu díbəə, Toma, lefosi bakasebi inuə bamə eto ɔni wə bensi baakpo Ɔfimfinyəə, manke mə lenti. ²⁵ Nyaso se úbəə, bakasebi fɛfɛ bamə áteyi wə bənkə, “Búnyə Bonamute əmə.”

Mfó nya Toma leteyi mə nkə, “Lə mənnyə belakabi eto afabe læ wə ani bə læ mfi mɔ lenimi inkpe læ nnya kafo nya mimfi mɔ kɔni minkpe læ wə lekpaake, məmbofo nno kulefe.”

²⁶ Kɔsida kɔni eto kamaa, bakasebi bamə esi báko bési læ diyo kafo, nya Toma áke mə lenti.

Besi bėti biku le diyo nəmə əsuə bakε. Tsya fεε, Yesu əbə únyə læ mə ntinti nya óteyi nkə, “Diyuə læ disiəko mi.” ²⁷ Nya óteyi Toma nkə, “Bə læ əbə efi fə lenimi akpe mfo, læ abe mɔ ani. Lə efi fə kɔni akpe læ mɔ lekpaɛ, læ ayε fə mamfokanɔ, nya læ afo anɔ!”

²⁸ Tomasi ələkə kɛnyε óteyi nkə, “Mɔ Onamute ku mɔ Onanto!”

²⁹ Mfó nya Yesu lɛteyi wə nkə, “Se fənyə mε esoo, áfo áɔ. Diyuə itə mba dímənyə mε, fεε báfo bánɔ!”

³⁰ Yesu esi úyifo ayanisa kpə óte læ wə bakasebi kpə eto ənəmi nnya bávɔni bákpe læ kukue komfo. ³¹ Fεε bávɔni nyamfo bətsyə bə læ befo bɛnɔ biə Yesu ni Nwə Onanto Lékpɔ Ɔhile Utsyə ku Onanto eto Ubi kosate əmə. Nya εyε læ boofɔ kanɔ læ wə əsuəə, biunyə nkpə manlo.

21

Bənyə Yesu Lə Ditumbukplε Ɔflo.

¹ Nyamfo eto kamaa, Yesu esi úləkə wə əsuə óte wə bakasebi læ Tiberia eto Ditumbukplε Ɔflo. Nya nyə kase íbə. ² Diyi lɔnii, Yesu eto bakasebi bətsyuə átsya besi. Mə ni Simon Petro ku Tomasi nwə tsya bensi baakpɔ Ɔfimfinyə ku Nataniel nwə ditsyi Kana læ Galilea eto kasɔ ku Sebedeo eto bebi ku Yesu eto bakasebi bamba. ³ Mfó nya Simon Petro lɛteyi mə nkə, “Meesu nta asabu læ mbə.”

Mfó nya mə tsya lɛteyi wə bənkə, “Bontsya ebutəkəko fə busu.” Nyaso bésu bédufə læ ɔklo əsuə nya bédu bésu. Fεε læ ketsye ka kenkee, bənləkə akpe saa.

⁴ Nya lefe nə kofe lela koə koatoo, Yesu əbə únyə læ ditimbu nəmə kənyə. Fəə bakasebi bamə mənnyə wə bətsyə lekpo. ⁵ Nya óto mə nkə, “Bakosobi, bíənləkə akpə saa lee?”

Bətə mbuayə bənkə, “Owo lo!”

⁶ Nya óteyi mə nkə, “Beta mi asabu nyamə bekpo læ ɔklo əmə eto kodiani, læ binyə lesaat-syuə biləkə.” Nyaso bəyifo nko. Binə bia bələkə efui bəə, bamfo asabu nyamə bunə kələkə.

⁷ Okasebi wə eto asa Yesu laala átəyi Petro nkə, “Bonamute uni!” Se Simon Petro leno nkə Bonamute unii, úfi wə awukentsyə ótsyasə læ nkə, itsyese úləkə nnya utsyə, nya ósa údufə læ ntu bomə əsuə tuu. ⁸ Fəə bakasebi fəfə bamə əsiə læ ɔklo əmə balə bubə, balə asabu nnya díyi ku akpə bunə. Bántsyonko utuflo, yuutsyə fe akpaləkələkə kolofa. ⁹ Se bábɔ læ ɔklo əmə kəfo bənyə kasɔɔ, bənyə se bətsyaka aka eto ute wə əsuə bəkpe akpə ətsyuə. Abolo utsyuə tsya ətsyə mfó.

¹⁰ Nya Yesu letəyi mə nkə, “Bifi akpə ətsyuə nnya bíləkə mómɔ beboko.”

¹¹ Mfó nya Simon Petro dísu údufə læ ɔklo əmə nya únə asabu nnya díyi ku akpə nnya lemɔ óboko ketu kənyə. Akpə nyamə eto etu ni kolofa awosi anɔ ətsyə. Ite bə akpə nyamə efui nko tsyaa, asabu nyamə mánla. ¹² Lə nyamfo eto kamaa, Yesu átəyi mə nkə, “Bibə hidi lesa.” Fəə bakasebi bamə eto kuutsyuə mámfo ɔkɔə bokpə kato wə nkə, “Owoe feni?” Itsyise bəte bə Bonamute uni. ¹³ Nyaso Yesu ésu mə ɔflo nya úfi abolo əmə útə mə. Nko ke úfi akpə nyamə tsya útə mə nə.

14 Nyamfo ni ditsyɛfə se Yesu dɪləkə wə əsuə ótə wə bakasebi se bátakasə wə betsyiko okomə nɛ.

15 Se bédi lesa bálosə, Yesu áto Simon Petro nkə, “Simon, Yohanes eto ubi, aala mɛ aso kase bafɛfɛ bamfo laala mɛ?”

Útə mbuayɛ nkə, “Ee, Bonamute! Fə kosate yi fənkə maala fə.”

Mfó nya Yesu lɛtɛyi wə nkə, “Lɛ mɔ basamubi ola.”

16 Lə nyamfo eto kamaa, Yesu esi óto wə dinuəfə nkə, “Simon, Yohanes eto ubi, aala mɛ?”

Petro esi útə wə mbuayɛ nkə, “Ee, Bonamute! Fə kosate yi fənkə maala fə.”

Mfó Yesu disɪ ótɛyi wə nkə, “Lɛ mɔ basamu ola!”

17 Yesu esi óto wə ditsyɛfə nkə, “Simon, Yohanes eto ubi, aala mɛ?”

Bɔto bomfo ələ Petro, itsyise ditsyɛfə sɔɔ ni nəmfo nɛ se Yesu lɛto wə nkə, “Aala mɛ?” Nyaso ótɛyi Yesu nkə, “Bonamute, eyi lesa saa. Nya fə kosate nyi fənkə maala fə!”

Mfó nya Yesu lɛtɛyi wə nkə, “Lɛ mɔ basamu ola. 18 Sitinti minlɛ fə bɔtɛyi minkə, lefe nə fedɪ okosobii, ákafo kafia buti fə kosate kesu kaka ke fála. Fɛɛ lefe nə fákabee, ebobese fə ani kato nya utidi bamba luubə okle fə kafia fɛ wookpa fə usuko kaka fanla fə eesu.” 19 Yesu átɛyi nyamfo nko lə ufi uləkə ukpə wə eto okle Petro ləəbə bukpə wə luuləkə Onanto eto diyənde ote.

Nyamfo eto kamaa, Yesu átɛyi wə nkə, “Təkəko mɛ.”

20 Se Petro lɛtsyi ɔwuninsə, únyə se okasebi wə Yesu laala ńyə wə kama. Wə ni okasebi wə

dísia ɔkpiɔ Yesu, læ lefe næ békedi ditsyitsyosa fɛfɛ fɛ ɔto Yesu nkə, “Bonamute, owoe luudu fə utə?” ²¹ Nyaso se Petro dínɔ wəə, ɔto Yesu nkə, “Bonamute, ntsyə ini læ wə əsuə?”

²² Yesu ətə wə mbuayɛ nkə, “Lə nla miə usiə nkpə isu ese lefe næ muusinkli mbə bioo, be eka fə ela? Fəə, təkəko mɛ!”

²³ Etiki nyamfo ába ékpo læ mba ntəkəko Yesu kama nti bə okasebi əmfo əmbə bukpə. Fɛɛ Yesu mántɛyi wə nkə wəəmbukpə. Nnya ɔtɛyi ni nkə, “Lə nla miə usiə nkpə isu ese lefe næ muubəə, be eka fə ela?”

²⁴ Wə ni okasebi wə nɛ adansiɛ budi læ asa nyamfo əsuə, nya wə tsya ni nwə lɛwɔni nnya utsyə nɛ. Nya buyi boə nnya əsuə údi adansiɛɛ, eyifo sitinti.

²⁵ Yesu esi úyifo asa bamba kpə tsya. Lə nnya ete báwɔni nyamble bətsyə lɔni lɔni lɔnii, mfo nno miə eni bembunyə ekue nyamə eto kətsyəkə læ kawunsiə kamfo kenke kulaa tsya.

**Onanto eto kakle ɔɔɔ; Sɛkpɛle
Sɛkpɛle: Onanto eto kakle ɔɔɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sɛkpɛle)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd